

დაიწყო ხელისუფლების გადაბარება

დათო გაჩილიანი

გუშინ მთავრობის კანცელარიაში არჩევნებში გამარჯვებული კოალიციის ლიდერ ბიძინა ივანიშვილისა და პრეზიდენტ მიხეილ სააკაშვილის ნდობით აღჭურვილი პირები ხელისუფლების გადაბარების საკითხს განიხილეს. ივანიშვილის მხრიდან შექმნილ სამუშაო გეგმაში ირაკლი ალასანიას, დავით უსუფაშვილი, ირაკლი ლარიბაშვილი და სოზარ სუბარი არიან გაერთიანებულნი. პრეზიდენტმა კი საქმეში დავით ბაქრაძე, გიგა ბოკერია, გიგი



უგულავა და პავლე კუბლაშვილი ჩართო.

შეხვედრა მედიისთვის დახურული იყო. რამდენიმე ტელეარხს მხოლოდ პროტოკოლური კადრების გადაღების უფლება მისცეს. სამუ-

შაო ოთახში შესვლამდე მხარეები მედიის თვალწინ ერთმანეთის მიმართ კეთილგანწყობის გამოხატვას არ თაკილობდნენ.

ბაზრძალაძა
მე-3 ბავარძა

ხედავები ხედავები

“ცენტრალურმა საარჩევნო კომისიამ 2012 წლის 1 ოქტომბრის პარლამენტის არჩევნების წინასწარი შედეგების შეჯამება დაასრულა. 3,766 უბნიდან დათვლილია ყველა უბნის მონაცემი. ცვლილებები შეიძლება, მხოლოდ გასაჩივრების პროცედურების შედეგად მოხდეს, თუმცა რაიმე სახის მნიშვნელოვანი ცვლილება ნაკლებად სავარაუდოა,” - ასე შეაჯამა ცესკო-ს პრესსპიკერმა ეკა აზარაშვილმა არჩევნების შედეგები.

5 ოქტომბრის მონაცემებით, “ბიძინა ივანიშვილი - ქართულმა ოცნებამ” 1 184 588 ხმა მიიღო, რაც საერთო რაოდენობის 54.9 პროცენტს შეადგენს, ხოლო “ერთიანი ნაციონალურ მოძრაობას - მეტი სარგებელი ხალხს” მიღებული აქვს 872,336 ხმა, ანუ

ამომრეველთა ხმების 40.4 პროცენტი. ცესკო-ს უახლესი მონაცემებით, 38 მაჟორიტარულ ოლქში “ქართული ოცნების” კანდიდატები ლიდერობენ, 35-ში კი - “ნაციონალური მოძრაობის”.

დანარჩენი საარჩევნო სუბიექტების შედეგები მინი-

ვნილოვნად ჩამორჩება 5-პროცენტის მარჯვენა. “ქართული ოცნების” და “ერთიანი ნაციონალური მოძრაობის” გარდა, არჩევნებში მონაწილე 14 სუბიექტიდან ხმების ყველაზე მეტი - 2.5 პროცენტი მიიღო “გიორგი თარგამაძე - ქრისტიან-დემოკრატიულმა გაერთიანებამ”; 1.24 პროცენტი - “შალვა ნათელაშვილი - ლეიბორისტულმა პარტიამ”; 0.43 პროცენტი - “ახალმა მემარჯვენეებმა”, ხოლო 0.11 პროცენტი - “ჯონდი ბალათურია-ქართულმა დასმა”.

ბაზრძალაძა
მე-2 ბავარძა

გაერო-მ თურქეთზე სირიის თავდასხმა დაბო

სალომე ჯანიაშვილი

სირიის თურქეთის ტერიტორიის დაბომბვის გამო ბოდიში არ მოუხდია, მაგრამ ინციდენტის შედეგად ადამიანთა დაღუპვაზე თანაგრძნობა გამოხატა. ამის შესახებ განცხადება გააკეთა სირიის წარმომადგენელმა გაერო-ში.

ხუთშაბათს გაერო-ს უშიშროების საბჭომ, რომელიც თურქეთის მოთხოვნით შეიკრიბა, სირიის მხრიდან თურქეთის დაბომბვის ფაქტი დაგმო. საბჭოს წევრებმა სირიის ხელისუფლების განმარტების, მეზობელი ქვეყნის სუვერენიტეტისა და ტერიტორიულ მთლიანობას პატივი სცეს.



სირიიდან ნასროლი რაკეტით დაზარალებული სახლი თურქეთში

ბაზრძალაძა
მე-6 ბავარძა

1 აშშ დოლარი	1.6607*
1 ევრო	2.1503*
1 ინგლისური გირვანქა	2.6757*
1 თურქული ლირა	0.9193*
100 რუსული რუბლი	5.3363*
თბილისი	26°C - 16°C
ქუთაისი	26°C - 16°C
თელავი	27°C - 12°C
ზუგდიდი	26°C - 15°C
ბათუმი	24°C - 16°C
ნავთობი	3.16 -0.03 -0.80%
გაზი	3.42 +0.02 +0.50%
ოქრო	1,791.20 -5.30 -0.30%
ხორბალი	869.25 +0.00 +0.00%

“24 საათის” ელექტრონული ვერსია იხილეთ www.24saati.ge
ჩვენი პარტნიორები:

TBC BANK
საქართველოს კომერციული ბანკი

FM 102.4

ბანკი კონსტანტა
BANK CONSTANTA

ISSN 1987 9121

91771987|9121001

ბექა ბურჯანაძე: "ეროვნულ ნაკრებში მოსახვედრად ყველაფერს გავაკეთებ"

ევროპის ერთ-ერთ ყველაზე ძლიერ ესპანეთის საკალათბურთო ლიგაში საქართველოს ერთადერთი წარმომადგენელი ბექა ბურჯანაძე, რომელმაც გასულ ზაფხულს 18 და 20-წლამდელთა ნაკრებებში ითამაშა. ბურჯანაძე სევილიის "კახასოლში" უკვე რამდენიმე წელია, თამაშობს, თუმცა აქამდე ძირითადად ახალგაზრდულ გუნდებში ასპარეზობდა, გასულ აგვისტოში კი სევილიელებთან პროფესიონალური კონტრაქტი გააფორმა და მხოლოდ ძირითად გუნდში იასპარეზებს. ბექას ესპანეთში შეეხებინათ და იქაური ამბები გამოეკითხეთ.

- გილოცავ პრიმერადივიზიონში დებიუტს. პირველივე ტურში მოგინია მოედანზე გასვლა...

- მართალია, მხოლოდ 5 წუთს ვითამაშე, მაგრამ დასაწყისისთვის ესეც საკმარისია. მწვრთნელი მენდო და მოედანზე გამიყვანა, რაც ჩემთვის დიდი სტიმულია. ვეცდები, მისი ნდობა გავამართლო და გუნდს დახმარება გავუწიო. ყველაფერი ჩემზეა დამოკიდებული. თუკი თავს გამოვიჩინე, სათამაშოდ დროც გამეზრდება.

- ხუთ წუთში 1 სამქულიანი ჩააგდე. ალბათ მსუბუქი ფორვარდის ნაცვლად შეგიყვანა მწვრთნელმა მოედანზე...

- დიახ, მოედანზე ბრაიან ასბარის ნაცვლად შევედი, რომელიც მსუბუქი ფორვარდია, თუმცა სამიანების სროლა მაშინაც მინევს, როცა მძიმე ფორვარდად ვითამაშობ.

ბაზრძალაძა
მე-11 ბავარძა

ხედავები და ტელეკრიტიკა

ნატა დავითაძე

“ბრუკლინი” ორი ახალი პერსონაჟია. თორნიკე შენგელია ქართული სივით და მირზა ტელეკრიტიკის ბოსნიური პასპორტით. ქართველი ამერიკული კალათბურთით და ბოსნიელი ევრობასკეტის მულამებით. თუკო, რომელიც უკვე ამერიკულად აზროვნებს და მირზა, რომელიც ევროპაში ვიტო კორლეონე იყო. “ბრუკლინი” უკეთესი, უფრო მოქნილი და ღრმა გუნდია. თუკოსთან, ტელეკრიტიკის, ბევრ სხვა კანონმორჩილ, კარგ მოთამაშესთან ერთად.



თორნიკე შენგელია

ბაზრძალაძა
მე-10 ბავარძა

საქართველო მსოფლიო კოეზიის რუკაზე

ბალა ჩაქარიშვილი

ნიგნის სახით პოეზია ძნელად იყიდება, სამაგიეროდ, კარგად იმინება - ეს თანამედროვე ლიტერატორთა და მარკეტოლოგთა დაკვირვებაა, თუმცა კი, თუ საუკუნეებს გადავხედავთ, პოეზია მუდამ ზეპირი გზით ვრცელდებოდა, უფრო მეტიც, იმლერებოდა. და თუკი ასწავლეთა მიღმა ეს ნიგნის არქონით, ანდა წერა-კითხვის უცოდინარობით აიხსნებოდა, განათლებული საზოგადოების ტენდენციებმა გვიჩვენა, რომ წინაპართა გამოცდილება დღესაც აქტუალურია და მისაბაძი.



თომას ვოლფშარტი

ბაზრძალაძა
მე-8 ბავარძა

ჰილარი კლინტონი მიხილ სააკაშვილს და ბიძინა ივანიშვილს ტელეფონით ესაუბრა

ამერიკის სახელმწიფო მდივან ჰილარი კლინტონსა და "ქართული ოცნების" ლიდერ ბიძინა ივანიშვილს შორის სატელეფონო საუბარი შედგა. "ქართული ოცნების" ოფიციალური ინფორმაციით, სახელმწიფო მდივანმა ბიძინა ივანიშვილს და მის გუნდს საპარლამენტო არჩევნებში გამარჯვება მიულოცა.

"ჰილარი კლინტონმა და ბიძინა ივანიშვილმა საუბრისას აქცენტი გააკეთეს შეერთებული შტატებისა და საქართველოს სტრატეგიული პარტნიორობის მნიშვნელობაზე. ისაუბრეს ამერიკის შეერთებული შტატებისა და საქართველოს შემდგომ თანამშრომლობაზე. ჰილარი კლინტონმა მადლობა გადაუხადა ბიძინა ივანიშვილს მისი მისწრაფებისთვის, კიდევ უფრო გაღრმავდეს ორ ქვეყანას შორის ურთიერთობა. თავის მხრივ, ბიძინა ივანიშვილმა აღნიშნა შეერთებული შტატების მნიშვნელოვანი წვლილი საქართველოს დემოკრატიულ განვითარებაში." - იუწყება კოალიცია.

სატელეფონო საუბარი ასევე გაიმართა საქართველოს პრეზიდენტსა და ამერიკის სახელმწიფო მდივანს შორის. როგორც პრეზიდენტის ვებგვერდზე გამოქვეყნებულ ინფორმაციაში აღნიშნული, მიხილ სააკაშვილსა და ჰილარი კლინტონს შორის სატელეფონო საუბარი ამერიკის შეერთებული შტატების სახელმწიფო მდივანის ინიციატივით შედგა.

"საქართველოს პრეზიდენტისა და ამერიკის სახელმწიფო მდივანის საუბრის მთავარი თემა პოსტსაარჩევნო პერიოდს ეხებოდა, კერძოდ კი იმ ზეწოლას, რომელიც დღესდღეობით საუბნო კომისიებსა და ცენტრალურ საარჩევნო კომისიაზე ხორციელდება," - ნათქვამია ინფორმაციაში.

ბიძინა ივანიშვილი: მოვახერხებთ, რომ ძალიან სწრაფად გავხდეთ ნატო-ს წევრი ქვეყანა

"ქართული ოცნების" ლიდერმა ბიძინა ივანიშვილმა ევროპაში ამერიკის შეერთებული შტატების საზღვარო ძალების მეთაური, გენერალ-ლეიტენანტი ჯონ პაქსტონი, პოლკოვნიკი ჯეიმს ომეარა, ევროპაში აშშ-ს საზღვარო ძალების უფროსის მოადგილე, პოლკოვნიკი ჯეფრი ჰარტმანი მიიღო.

შეხვედრას ამერიკის ელჩი საქართველოში რიჩარდ ნორლანდი და თავდაცვის ატაშე ესწრებოდნენ. ამერიკელმა სამხედრო მალაჩრინოსნებმა ბიძინა ივანიშვილს საპარლამენტო არჩევნებში გამარჯვება მოულოცეს. შეხვედრაზე საუბარი შეეხო ამერიკის შეერთებული შტატებისა და საქართველოს სამხედრო თანამშრომლობას. როგორც ბიძინა ივანიშვილმა აღნიშნა, შეერთებულ შტატებს განსაკუთრებული წვლილი მიუძღვის საქართველოს შეიარაღებული ძალების ფორმირებასა და ნატო-ს სტანდარტებთან მიახლოებაში.

"მეც მქონდა ინფორმაცია და ძალიან გამიხარდა, რომ ქართველებს განსაკუთრებული მნიშვნელობა აქვთ ნატო-ს შენაერთებში და ამერიკელებთან ერთად, ძალიან სწრაფად რთულ პოზიციებზე მოიხსენებებიან. რა თქმა უნდა, ჩვენ ყველაფერი უნდა გავაკეთოთ, რათა გავაგრძელოთ ჩვენი პარტნიორობა ავღანეთში და სხვა (ცხელ ნერტილებში) საინტერესო სახელმწიფოებთან, პირველ რიგში, ამერიკასთან ერთად. ჩვენ ვახერხებთ და უმცროსი მეგობრის რეალურ როლს ვასრულებთ და ასეთ თანამშრომლობას მომავალშიც გავაგრძელებთ," - დასძინა ივანიშვილმა.

ევროპაში ამერიკის შეერთებული შტატების საზღვარო ძალების მეთაურმა, გენერალ-ლეიტენანტი ჯონ პაქსტონმა ბიძინა ივანიშვილს გამარჯვება მიულოცა და ძალაუფლების უმტიკინენტლოდ გადაბარება უსურვა.

"მე აქ ვიმყოფები, როგორც ამერიკის შეიარაღებული ძალების მეთაური ევროპაში და ამასთანავე ვარ ამერიკის შეერთებული შტატების სამხედრო ძალების წარმომადგენელი საქართველოში. საქართველო მრავალი წლის განმავლობაში იყო და არის ძალიან საიმედო და ძვირფასი პარტნიორი ამერიკისთვის. ჩვენ ძალიან მჭიდრო კავშირი გვქონდა და ერთად ვმუშაობდით ავღანეთში. ვმუშაობდით იმისთვის, რომ ავგვემადლებინა უსაფრთხოების თანამშრომლობა. ასე რომ, ჩვენ ვაფასებთ ორმხრივ ურთიერთობას საქართველოსთან. აქ იმისთვის ვართ, რომ საქართველოს მიმართ აშშ-ს თანადგომა გამოვხატოთ. ჩვენ მოუთმენლად ველოდებით, რომ ავღანეთში ჩვენი სამუშაო ურთიერთობა მოკლე დროში აღდგება და თანამშრომლობას მომავალშიც გავაგრძელებთ," - განაცხადა ჯონ პაქსტონმა.

გუმინვე ბიძინა ივანიშვილი ნატო-ს სამოკავშირეო ოფისის ხელმძღვანელ ვილიამ ლაპიუს შეხვდა. ვილიამ ლაპიუს "ქართული ოცნების" ლიდერს არჩევნებში გამარჯვება მიულოცა.

"დარწმუნებულები ვართ ბიძინა ივანიშვილის გეგმებში, რეფორმებში და ახალი მთავრობის ჩამოყალიბების სისწრაფით," - განაცხადა შეხვედრის დასრულების შემდეგ ნატო-ს სამოკავშირეო ოფისის ხელმძღვანელმა.

თავის მხრივ, ბიძინა ივანიშვილი ვილიამ ლაპიუს დაჰპირდა, რომ დემოკრატიული ინსტიტუტების განვითარება წინ სწრაფი ტემპით წინსვდა, რაც ნატო-ში საქართველოს ინტეგრაციას კიდევ უფრო დააჩქარებს.

"კიდევ ერთხელ დავგარწმუნეს, რომ ნატო-ში შესვლის ძალიან კარგი შანსი გვაქვს. საუბარი ასევე ეხებოდა დემოკრატიულ ინსტიტუტებს. რეალურად მოვახერხებთ, რომ ძალიან სწრაფად გავხდეთ ნატო-ს წევრი ქვეყანა," - განაცხადა ივანიშვილმა.

შედეგები შეჯამებულია

პირველი გავრდიდა

“აღსანიშნავია, რომ საარჩევნო ადმინისტრაციის საქმიანობა დადებითად შეაფასეს საერთაშორისო სადამკვირვებლო ორგანიზაციებმა. ევროპის საბჭოს საპარლამენტო და ეუთო-ს საპარლამენტო ასამბლეების, ასევე ეუთო-ს დემოკრატიული ინსტიტუტებისა და ადამიანის უფლებათა ოფისის, ევროპარლამენტისა და ნატო-ს საპარლამენტო ასამბლეის წარმომადგენელთა 2 ოქტომბრის ერთობლივ განცხადებაში აღნიშნულია, რომ მთლიანობაში საარჩევნო ადმინისტრაციას მაღალი ნდობა ჰქონდა და იგი არჩევნების პროცესს პროფესიონალურად წარუძღვა. ცენტრალური საარჩევნო კომისია ფუნქციონირებდა და გამჭვირვადედ მოქმედებდა, იგი ხშირად ატარებდა შეხვედრებს, რომლებიც ღია იყო დამკვირვებლებისთვის, პარტიებისა და მედიანარმომადგენლებისთვის.” - აღნიშნა ეკა აზარაშვილი.

სპიკერის განმარტებით, საარჩევნო ადმინისტრაციას დარჩენილ პერიოდში ჩასატარებელი აქვს კანონმდებლობით გათვალისწინებული პროცედურები, რათა შეიქმნას დოკუმენტი, რომელიც ძალაუფლების განაწილების იურიდიული საფუძველი იქნება.

თუმცა, ვიდრე ცესკო-ში უკანასკნელ და მთავარ დოკუმენტს მიიღებენ, ცესკო-ც და საოლქო კომისიებიც არჩევნების შესახებ შესულ საჩივრებს განიხილავენ.

მიუხედავად იმისა, რომ კენჭისყრიდან 5 დღე გავიდა, ცენტრალურ და საოლქო კომისიებთან გუშინ საპროტესტო შეკრებები კვლავ შეიმჩნეოდა. სწორედ ამიტომ ცესკო იძულებული გახდა, კიდევ ერთხელ გაეკრცელებინა მოწოდება: **“ჩვენ ყურადღებით ვსწავლობთ საჩივრების სახით შემოსულ და მედიაში გავრცელებულ ყველა ინფორმაციას შესაძლო დარღვევების შესახებ. აქედან გამომდინარე, მოვუწოდებთ დაინტერესებულ მხარეებს, განსაკუთრებით კი მედიას, თავი შეიკავონ წინასწარი დასკვნებისა და საარჩევნო ადმინისტრაციის მიზანმიმართული დისკრედიტაციისგან.”**

გუშინვე ცენტრალურმა საარჩევნო კომისიამ განმარტება გააკეთა ზუგდიდის 67-ე ოლქის საოლქო კომისიის სხდომაზე "ერთიანი ნაციონალური მოძრაობის" მაჟორიტარობის კანდიდატ გიორგი ბარამიძის დასწრებაზე, რაც სხვა პარტიების წარმომადგენლებმა გააპროტესტეს.

ცესკო-ს განმარტებით, **“საკუთარი წარმომადგენლის ჩანაცვლება ნებისმიერი პარტიის წარმომადგენელს შეუძლია. რადგან ცესკო-მ გასცა საშუი, რომლითაც გიორგი ბარამიძე ოლქში იყო**

შესული, ე.ი მას ჰქონდა უფლება, რომ იქ ყოფილიყო. ეს კანონსწინააღმდეგო არ არის,” - აღნიშნა აზარაშვილმა და კიდევ ერთხელ დაადასტურა, რომ ბარამიძემ საშუი 3 ოქტომბერს მიიღო და ამით "ნაციონალური მოძრაობის" დამკვირვებელი ბართლომე შელია შეცვალა.

სპეციალურ პრესკონფერენციაზე ეკა აზარაშვილი ხაშურის არჩევნებსაც შეეხო და განაცხადა, რომ არჩევნების დღეს ხაშურის ორ უბანზე სპეცრაზმის შესვლის შესახებ ინფორმაცია პროკურატურას გადაეგზავნა.

რაც შეეხება ხაშურის სხვა უბნებზე არჩევნების შედეგების გაუქმებას, აზარაშვილი ამბობს, რომ საარჩევნო კომისიამ უფარი თქვა საჩივრის დაკმაყოფილებაზე და არ ცნო ბათილად რამდენიმე უბნის შედეგი. ეს გადაწყვეტილება არ ეხება იმ უბნებს, სადაც სპეცრაზმი შევიდა.

საჩივრების განხილვის შედეგები

ცესკო-ს მონაცემებით, ამ ეტაპზე სულ გაუქმებულია 9 უბნის მონაცემები. თითო უბანი გაუქმდა კასპში, მარტვილში, თეთრიწყაროში, ხულოში, საგარეჯოში, მარნეულში, გორსა და ახალციხეში.

5 ოქტომბრის სხდომაზე ცენტრალურმა საარჩევნო კომისიამ საარჩევნო დარღვევების შესახებ პოლიტიკური პარტიების და არასამთავრო ორგანიზაციების მხრიდან შესული 6 საჩივარი განიხილა. მომჩივანები იყვნენ არასამთავრობო ორგანიზაციები: "ახალგაზრდა იუსტიტა ასოციაცია", "მრავალეროვანი საქართველო", "ადამიანის უფლებათა დაცვის ცენტრი" და საარჩევნო ბლოკი "ბიძინა ივანიშვილი-ქართული ოცნება". პრეტენზიები, ძირითადად, ეხებოდა ადმინისტრაციულ გადაცდომებს საარჩევნო კომისიების წევრთა მხრიდან.

ცენტრალური საარჩევნო კომისიის წევრებმა 6-დან ერთი საჩივარი დააკმაყოფილეს, რომელიც "ქართული ოცნების" წევრის მიერ იყო შეტანილი. ცესკო-ს გადაწყვეტილებით, ეს საჩივარი განსახილველად საოლქო კომისიას დაუბრუნდება.

რაც შეეხება საუბნო კომისიებს, გუშინ ქუთაისის საოლქო საარჩევნო კომისიამ ორი უბნის შედეგები ხელახლა დაითვალა. საუბარია N86 და N89 საარჩევნო უბნების შესახებ, რომელთა შემაჯამებელ ოქმებში ბიულეტენების რაოდენობა არჩევნებში მონაწილე პირთა რაოდენობაზე მეტი აღმოჩნდა.

სააგენტო News.ge-ის ინფორმაციით, N89 უბანზე დისბალანსია მაჟორიტარულ შემაჯამებელ ოქმში, სადაც ბიულეტენტა რაოდენობა 15-ით აჭარბებს არჩევნებში მონაწილეთა რაოდენობას. ხოლო N86 უბნის პროპორციულ შემაჯამებელ ოქმში 4-ით მეტი ბიუ-

ლეტენია დაფიქსირებული.

კომისიამ იმსჯელა ხარვეზებთან შემაჯამებელ ოქმებზეც. მათგან ზოგიერთში ასევე დისბალანსი აღმოჩნდა, ხოლო ზოგზე ბეჭდები არ იყო დასმული. თუმცა არსებული დარღვევები ტექნიკური ხარვეზებით აიხსნა, რაც ჩანანერთა წიგმაც დაადასტურა. ამ ხარვეზებისთვის, კომისიის გადაწყვეტილებით, საუბნო საარჩევნო კომისიების თავმჯდომარეებსა და მდივნებს დაეკისრათ დისციპლინარული პასუხისმგებლობა შენიშვნის და გაფრთხილების სახით.

ქუჩის აქციები არჩევნების გამო

მიუხედავად "ქართული ოცნების" ლიდერის მონოდებისა, შეწყდეს ქუჩის აქციები და საპროტესტო გამოსვლები, საარჩევნო კომისიებთან ვნებათაღელვა არ წყდება.

გარდაბანში კარვები გაიშალა და კოალიციის მაჟორიტარობის მხარდამჭერებმა შიმშილობაც დაიწყეს. პარალელულად გრძელდება საპროტესტო გამოსვლებიც. გარდაბანის მაჟორიტარობის კანდიდატი მამუკა არემიძე "ქართული ოცნების" მიერ გარდაბანში მიმდინარე აქციის ორგანიზებას უარყოფს.

"სრული პასუხისმგებლობით ვაცხადებთ, რომ საჩივრების განხილვა ქალაქ რუსთაში მიმდინარეობს. რაც შეეხება აქციას, მას ნეიტრალურ ტერიტორიაზე აწყობენ გარდაბნელი ამომრჩევლები, ვაშლილია სამი კარავი, სადაც გარდაბნის მცხოვრებლები - ეთნიკური აზერბაიჯანელი, ქართველი და ოსი ამომრჩევლები თავიანთი ხმების დასაცავად მშვიდობიანი მეთოდით - შიმშილობით იბრძვიან. აქცია მათ მიერ არის ორგანიზებული და არა პოლიტიკური კოალიცია "ბიძინა ივანიშვილი - ქართული ოცნების" და მისი მაჟორიტარი დეპუტატობის კანდიდატ მამუკა არემიძის მიერ," - ეს განცხადება მამუკა არემიძემ გაავრცელა და იქვე დასძინა, რომ მას მორალური უფლება არ აქვს, ამომრჩევებს გვერდით არ ამოუდგეს და სამართლიანობის აღდგენაში არ დაეხმაროს.

ტელეკომპანია "რუსთავი 2"-მა კი გაავრცელა ინფორმაცია, რომ ხონში "ქართული ოცნების" მხარდამჭერებმა "ნაციონალური მოძრაობის" წარმომადგენლებსა და შურნალისტებს ფიზიკური და სიტყვიერი შეურაცხყოფა მიაყენეს. კერძოდ, როგორც ტელეკომპანია იუწყება, ხმაური და დაპირისპირება ხონის საოლქო საარჩევნო კომისიასთან მას შემდეგ დაიწყო, რაც კომისიამ ოლქის შედეგების გაბათილების შესახებ "ქართული ოცნების" მოთხოვნა არ დააკმაყოფილა.

გავრცელებული ინფორმაციით, კომისიასთან შეკრებილმა კოალიციის მხარდამჭერებმა სიტყვიერი შეურაცხყოფა

ფა მიაყენეს "ნაციონალური მოძრაობის" წევრ გიორგი ვაშაძეს, ასევე ფიზიკური შეურაცხყოფა მიაყენეს "რუსთავი 2"-ისა და "იმედის" ჟურნალისტებს და აპარატურა დაუზიანეს.

გიორგი ვაშაძის თქმით, ასეთ ვითარებაში სამართლიან მიდგომაზე საუბარი ზედმეტია.

"ეს არის პირდაპირი ზენოლა და იგივე ხდებოდა საოლქო საარჩევნო კომისიის სხდომაზეც. მე, "ნაციონალური მოძრაობის" ოფიციალური წარმომადგენელი, დარწმუნებული ვარ, ყველა ადამიანი სამართლიან გადაწყვეტილებას მიიღებს. საუბარია მხოლოდ კანონზე. ეს არეულობა კი ფსიქოლოგიური ზენოლის ნაწილია," - აღნიშნა გიორგი ვაშაძემ.

საარჩევნო დავამ სასამართლოში გადაინაცვლა

"ერთიანი ნაციონალური მოძრაობის" მაჟორიტარი დეპუტატობის კანდიდატის დავით ბეჟუაშვილის წარმომადგენელმა თეთრიწყაროს რაიონულ სასამართლოში სარჩელი შეიტანა. ბეჟუაშვილი თეთრიწყაროს საოლქო საარჩევნო კომისიის მიერ N23 ქოსალარის საარჩევნო უბნის შედეგების ძალაში დატოვებას მოითხოვს. სასამართლოში იგი ამ უბანთან დაკავშირებით საოლქო საარჩევნო კომისიის გადაწყვეტილების გაუქმებას მოითხოვს.

პროცესს როგორც "ერთიანი ნაციონალური მოძრაობის" მაჟორიტარობის კანდიდატის, დავით ბეჟუაშვილის ადვოკატები, ისე "ქართული ოცნების" იურისტები ესწრებოდნენ. სასამართლო პროცესს მოსამართლე ბესიკ გუნიაშვილი უძღვებოდა, რომელმაც მოისმინა საქმის გარშემო წარმოდგენილი მტკიცებულებები და გადაწყვეტილების გამოტანა ხვალისთვის გადადო.

სხვათა შორის, სასამართლო პროცესი კოალიცია "ქართული ოცნების" აქტივისტების საპროტესტო აქციის ფონზე მიმდინარეობდა. აქტივისტებმა ერთ-ერთი სოფლის გამგებლებზეც კი გაიწიეს და მას სიტყვიერი შეურაცხყოფა მიაყენეს.

თეთრიწყაროს რაიონის სასამართლოს წინ მივიდა კობა სუბედიანიცი, რომელმაც განაცხადა, რომ დროა უკვე ყველაფერი სამართლებრივ ჩარჩოებში მოექცეს და შეწყდეს აქციები სასამართლოებთან და ზენოლა როგორც საოლქო საარჩევნო კომისიებზე, ასევე სასამართლოებზე.

გაზეთი "24 საათი" გამოცემულია შპს "მზა". რედაქტორ-გამომცემელი:

გამუჟა ფაჩუაშვილი, პაბათა ვეჟაშიძე.

რედაქცია: სოფოი ჩხაიძე (მთავარი რედაქტორი), რედაქტორები: ვია ქლაგანიძე (საზოგადოება, Weekend), ინვა ალვიძე (სამართალი), დავით ნინიაშვილი (ბიზნესი), ივა შილაკაძე (უცხოეთი) სოფო ქილაშონია (რევიუ), კახა ფაჩუაშვილი (სპორტი). **რეკლამის და მარკეტინგის მენეჯერი:** ირაკლი ლეჟავა ტელ: 899 22 09 49. **ქომპიუტერული ცენტრი:** თამარ ჩხაიძე (მენეჯერი), ირა ჯიშკარიანი, თენგიზ ქირია, ნინო ყაველაშვილი **რედაქციის მისამართი:** ქ.თბილისი, კოსტავას ქ. № 68, საზოგადოებრივი მუწყელები, მე-3 კორპუსი, მე-3 სართული. ტელ: 40-94-45; 40-94-46; 40-94-47; 40-94-48 ელ-ფოსტა: public@24hours.ge

დაიწყო ხელისუფლების გადაბარება

პირველი გვერდი

როგორც შეხვედრის შემდეგ ბაქრადემ აღნიშნა, მთავარი, რაც ამ შეხვედრამ გამოაჩინა, ის არის, რომ ორივე მხარე იღებს იმ პასუხსმგებლობას, რომელიც ქვეყნის წინაშე ეკისრება. მისი თქმით, შეხვედრა ხელისუფლების მშვიდობიანი გადაცემის კონსტრუქციული და მნიშვნელოვანი დასაწყისია.

გიგა ბოკერიას შეფასებით, შეხვედრამ საქმიან, ცივილიზებულ ატმოსფეროში ჩაიარა. "ჩვენ ამ პროცესს გავაგრძელებთ იმისთვის, რომ მთავრობის გადაბარება კონსტიტუციის ფარგლებში სწრაფად, მშვიდობიან და საქმიან ატმოსფეროში დასრულდეს. ამ თვალსაზრისით, მხარეების განწყობა და ამოცანა ერთნაირია, რაც დადებით მოვლენად მიმაჩნია," - აღნიშნავს ბოკერია.

ირაკლი ალასანიას თქმით, ამ შეხვედრით სამთავრობო ტრანზიციის საკითხზე კონსულტაციები დაიწყო. ალასანიას საუბრიდან ცნობილი გახდა, რომ მხარეები მომდევნო შეხვედრას ორშაბათს გამართავენ. საუბრის მთავარი თემა კი კონკრეტულ უწყებებში კოალიციის წარმომადგენელთა მივლინების საკითხი იქნება. "შევთანხმდით, რომ ყველაზე მნიშვნელოვანი ქვეყანაში სიმშვიდის შენარჩუნებაა. ყველა პროცესი სამართლებ-

რივ ჩარჩოებში უნდა წარმართოს," - თქვა ალასანიამ. მანვე დასძინა, რომ ქვეყნის მომავალი პრემიერ-მინისტრი მოემზადება მთავრობის დაკომპლექტებისთვის, რაც უმტივიწყოლოდ და სწრაფად უნდა მოხდეს.

წარმომადგენელთა საკითხი დავით უსუფაშვილმა განაგრძო. მან ჟურნალისტებს განუბარტა, რომ ახალი მთავრობის ფორმირებამდე "ქართული ოცნების" წარმომადგენლები სხვადასხვა უწყებებში არსებულ ვითარებას გაეცნობიან, რათა გადაბარების პროცესი უმტივიწყოლო იყოს. "საერთაშორისო ურთიერთობებში, ფინანსური ინსტიტუტების საქმიანობასა და საზოგადოებრივი წესრიგის დაცვაში შეფერხებების თავიდან ასაცილებლად, აუცილებელია, ჩვენი წარმომადგენლები სამინისტროებისა და სხვადასხვა უწყებების მუშაობის სპეციფიკას თანდათან გაეცნონ. რაც შეეხება ევროკავშირთან მოლაპარაკებებსა და ჟენევის დისკუსიას, კოალიციის წარმომადგენლებიც დაესწრებიან," - ამბობს დავით უსუფაშვილი. მისივე თქმით, მთავრობის ოფიციალურად დამტკიცებამდე კოალიცია წარმომადგენლებს ძალოვან სტრუქტურებში მიაგულენს. "წარმომადგენელთა ვინაობა მომავალ კვირაში გახდება ცნობილი," - აღნიშნავს უსუფაშვილი.

დავით ბაქრადე ადასტურებს, რომ ორშაბათს დანიშნულ შეხვედრაზე განიხილება ყველა კონკრეტული საკითხი და მექანიზმი, რაც ხელისუფლების გადაცემას ესება.

"შევთანხმდით, რომ ერთ-მანეთს ხელოვნურ პრობლემებს არ შევუქმნით. მართალია, კონსტიტუციით პრეზიდენტს მთავრობის ფორმირების შეფერხების შესაძლებლობა აქვს, მაგრამ ის ამას არ აპირებს. მთავრობას, მათ შორის ძალოვან მინისტრებს, გამარჯვებული კოალიცია "ქართული ოცნება" სრულად დააკომპლექტებს," - განაცხადა ბაქრადემ. მან ბიძინა ივანიშვილსა და მიხეილ სააკაშვილს შორის შეხვედრაც არ გამორიცხა, თუმცა აღნიშნა, რომ შეხვედრაზე ეს საკითხი არ განიხილულა. ბაქრადემ ამ საკითხზე პირადი მოსაზრებაც გამოთქვა: "ივანიშვილსა და სააკაშვილს შორის შეხვედრა მთლიანად ქართული საზოგადოებისთვის და ქართული სახელმწიფოსთვის სასარგებლო იქნება."

ივანიშვილსა და სააკაშვილს შორის შეხვედრის საკითხის გარკვევამდე კოალიციის ლიდერმა ახალი მთავრობის შემადგენლობაზე ისაუბრა. ის მინისტრობის კანდიდატებს ორშაბათს დაასახელებს. "მანამდე მთავრობის შემადგენლობის საკუთარ პროექტს გულისწევრებთან შევაჯერებ," - ამბობს ივანიშვი-

ლი. როგორც მან ჟურნალისტებს უთხრა, ყველა მოქმედი მინისტრი შეიცვლება, ბევრი მოადგილე შეიძლება, დარჩეს. ივანიშვილი უფრო ქვედა დონეზე დასაქმებულ პირებს ჰპირდება, რომ მათ არ შეეხებიათ. "სპეციფიკური შემთხვევების გარდა, თანამდებობას ყველა საჯარო მოხელე შეინარჩუნებს," - აღნიშნა ივანიშვილმა.

იმ სირთულეების შესახებ კი, რომლებიც ხელისუფლების გადაბარების პროცესს მოჰყვება, დავით ბაქრადემ ისაუბრა. მან აქცენტი ბოლო დღეებში კრიმინალთა გააქტიურებაზე გააკეთა. როგორც ბაქრადემ ამბობს, საქართველოს ისტორიაში პირველად, ხელისუფლების დემოკრატიულად გადაბარება მიმდინარეობს. მისი თქმით, გამოცდილების არარსებობის გამო გამოჩნდებიან ადამიანები, რომლებიც იფიქრებენ, რომ დადგა დრო, როდესაც საზოგადოების ხარჯზე უნდა "იხირონ" და შესაძლოა, ჩაიდინონ ის, რასაც აქამდე ვერ აკეთებდნენ. "ამ თემებზე, რა თქმა უნდა, კოალიციის სამუშაო გეგმით ვისაუბრებთ. ესეც ჩვენი პასუხისმგებლობის საკითხია. მოქმედი ხელისუფლება, სანამ მუშაობს, ყველა სამინისტრო ფუნქციონირებას გამართულად გააგრძელებს, მათ შორის - შინაგან საქმეთა სამინისტრო," - თქვა დავით ბაქრადემ.

სააკაშვილი: "კანონიერმა ქურდებმა საზღვარი ვერ უნდა გადმოკვეთონ"

ბოლო დღეებში მომხდარ დანაშაულებთან დაკავშირებით, საქართველოს პრეზიდენტმა შინაგან საქმეთა მინისტრის მოვალეობის შემსრულებელთან ეკა ზღულაძესთან და ქვეყნის მთავარ პროკურორთან მურთაზ ზოდელაევასთან თათბირი გამართა.

როგორც სააკაშვილი news.ge-ს უწყება, რომ მიხეილ სააკაშვილმა უწყებების ხელმძღვანელებს დანაშაულზე რეაგირება დაავალა.

"ჩვენი პასუხისმგებლობა, მოქმედი ხელმძღვანელობის, შინაგან საქმეთა სამინისტროსი, თითოეული პოლიციელის, პროკურატურის თითოეული თანამშრომელის, არის ის, რომ არ დაუშვან, არცერთ გარემოებაში, ქვეყანაში წესრიგის და კანონიერების მოშლა. აღარ ვართ 90-იან წლებში და თუ ვინმეს აქვს ილუზია, რომ ახლა დადგა მათი დრო, მე ვფიქრობ რომ ისინი ცდებიან. დაელოდებიან პროკურატურის ყველა თანამშრომელს, ყველა პოლიციელს, იმუშაონ ისე, როგორც ყოველთვის, დაამყარონ კანონიერება და წესრიგი.

ძარცვები, დაწყობები, მანქანის გატაცებები და სხვა ტიპის ძალადობრივი გამოვლინებები, უნდა აღიკვეთოს, როგორც იყო აღკვეთილი ბოლო წლების განმავლობაში. ჩვენ ყველა დემოკრატიას, ქართველი ხალხის არჩევანს პატივს ვცემთ. თუკენ გადაბრუნება დასრულდა, შემდეგ მინისტრს, როგორც არის წესით და რიგით გათვალისწინებული. ამავე დროს, ეს არ უნდა აისახოს მოქალაქეების ყოველდღიურ უსაფრთხოებაზე. ეს არის ხელშეუხებელი. აქამდე ვგქონდა დანაშაულის ყველაზე დაბალი დონე ევროპაში. მკაცრად უნდა გავაკონტროლოთ, რომ კანონიერმა ქურდებმა არ გადმოკვეთონ საქართველოს საზღვარი. საქართველოს კანონმდებლობით, კანონიერი ქურდობა ისე ვგება სისხლის სამართლებრივად. დემოკრატიის პირობებში, მათი დრო არასდრო არ დადგება," - მიმართავს პრეზიდენტი მინისტრებს.

პრეზიდენტი მოუწოდებს ყველა პოლიტიკურ ძალას, პატივი სცენ კონსტიტუციას. ამასთან, სააკაშვილმა, გახშირებულ დანაშაულებებთან დაკავშირებით, სასჯელაღსრულების მინისტრთან გიორგი ტულუშთან შეხვედრა დაგეგმა.

პოლიტიკისგან თავისუფალი სასამართლო

უზენაესი სასამართლოს თავმჯდომარე კოტე კუბლაშვილმა გუშინ დღით სპეციალური ბრიფინგი გამართა, რომელზეც მინვეული იყვნენ აშშ-ის, ევროკავშირის, ჰოლანდიის, ესპანეთის, გერმანიის, დიდი ბრიტანეთის ელჩები და საფრანგეთის ელჩის მოადგილე. კოტე კუბლაშვილის განცხადებით, გუშინ დღით მოხდა შემთხვევა, რომლის თაობაზეც საქმის კურსში დიპლომატიური კორპუსი ჩაყენდა. შეხვედრისას უზენაესი სასამართლოს თავმჯდომარემ სხვადასხვა ქვეყნების ელჩებს სასამართლო რეფორმების შესახებ ინფორმაციაც მიანწოდა.

კონსტანტინე კუბლაშვილმა ჟურნალისტებს განუცხადა, რომ მან დიპლომატიური მისიების წარმომადგენლებს მიანწოდა ინფორმაცია სასამართლოს მიმართ ერთ-ერთი პოლიტიკური ძალის მხრიდან მუქარის შესახებ.

"მე მათ ვუთხარი, რომ ჩვენთვის ეს აბსოლუტურად მიუღებელია," - განაცხადა კონსტანტინე კუბლაშვილმა. მისი განცხადებით, "ქართული ოცნების" ერთ-ერთმა წარმომადგენელმა დაარღვია მოსამართლესთან კომუნიკაციის წესის შესახებ კანონი.

"ქართული ოცნების ეს წარმომადგენელი მივიდა მოსამართლესთან სახლში და ესაუბრა კონკრეტულ საარჩევნო დაჯგუფებას. ჩვენ ამასთან დაკავშირებით იუსტიციის უმაღლეს საბჭოში შესაბამის გადწყვეტილებას მივიღებთ და ამ ადამიანს ფინანსური ჯარიმა დაეკისრება," - განაცხადა კონსტანტინე კუბლაშვილმა. უზენაესი სასამართლოს თავმჯდომარეს არც ქართული ოცნების წარმომადგენლისა და არც მოსამართლის ვინაობა არ დაუკონკრეტებია.

მისი თქმით, საერთო ჯამში, სასამართლო სისტემა არანაირად არაა დაკავშირებული და არ ჩაერევა პოლიტიკურ ცვლილებებში. კუბლაშვილის განცხადებით, სისტემა გააკეთებს ყველაფერს იმისთვის, რომ მოსამართლეებმა და მთლიანად სასამართლომ პოლიტიკური ჩარევების გარეშე იმუშაოს.

"ჩვენ გავაგრძელებთ მუშაობას ნებისმიერი პოლიტიკური ჩარევისა და მუქარის გარეშე. ყველამ უნდა იცოდეს, რომ სასამართლო არის და უნდა იყოს დამოუკიდებელი იმ პოლიტიკური პროცესებისგან, რომელიც ხორციელდება," - განაცხადა კოტე კუბლაშვილმა.

არასამთავრობოები "ქართული ოცნების" მხარდამჭერების საქციელს გამოხენ

"სამართლიანი არჩევნებისა და დემოკრატიის საერთაშორისო საზოგადოება", "საქართველოს ახალგაზრდა იურისტთა ასოციაცია" და "საერთაშორისო გამჭვირვალობა - საქართველო" მარნეულის გამგეობაში პოლიტიკური ნიშნით ფიზიკური ანგარიშსწორების ფაქტს გამოხენ.

ორგანიზაციების დამკვირვებლების ინფორმაციით, გუშინ, მარნეულის გამგეობის შენობაში შეიჭრნენ კოალიცია "ქართული ოცნების" აქტივისტები, რომლებიც სიტყვიერ შეურაცხყოფას აყენებდნენ გამგეობის თანამშრომლებს. ადგილი ჰქონდა გამგეობის მოადგილისა და მისი მძღოლის მიმართ ფიზიკური ანგარიშსწორების ფაქტს.

"ეს უკანასკნელი გადაყენილი საავადმყოფოში. მარნეულის გამგეობის განაცხადებით, ფიზიკურ ძალადობას მის მიმართაც ჰქონდა ადგილი," - წერია არასამთავრობების განცხადებაში.

ორგანიზაციები პოლიტიკური პარტიების ლიდერებს მოუწოდებენ, უზრუნველყონ კოალიციის აქტივისტებისა და მხარდამჭერების მიერ პოლიტიკური ნიშნით ძალადობრივი ქმედებების აღკვეთა.

"ბიძინა ივანიშვილს დიდი გამოწვევა ელის"

მარი ახსიაშვილი

საქართველოში ჩატარებული საპარლამენტო არჩევნები კვლავ რჩება უცხოური პრესის განხილვის ერთ-ერთ მთავარ თემად. როგორც ბრიტანული ჟურნალი "ეკონომისტი" წერს, "ქართული ოცნების" გამარჯვება და "ნაციონალური მოძრაობის" მიერ ძალაუფლების მშვიდობიანი გადაცემა ტრიუმფად შეიძლება, მხოლოდ მაშინ შეფასდეს, თუ გამარჯვებულებიც ისევე კარგად მოიქცევიან, როგორც დამარცხებულები".

ავტორის თქმით, საქართველოში დემოკრატიის კონსოლიდაცია კარგი იქნება, მაგრამ რეფორმების გაგრძელება - უკეთესი. ჟურნალისტი მიიჩნევს, რომ ივანიშვილის კოალიცია მისივე გულუხეობის წყალობით არის გაერთიანებული.

"ივანიშვილის ხალიჩასავით ჭრელ ოპოზიციას, ძირითადად, მისი სიდიდე აერთიანებს. მის რიგებში არიან ქსენოფობები, შოვინისტები და ისინი, ვისაც ძველი დრო ენატრება. გარკვეულ შემლუდვას გამოჩეულად პროდასავლელი ლიბერალები აწვებენ, რომლებიც ადრე სააკაშვილს გამოეყვინნ. კამპანიის პროცესში "ქართულმა ოცნებამ" იოლად მოახერხა ხელისუფლებაზე თავდასხმა, მაგრამ თავად განსაკუთრებული დაკვირვების სა-

განი არ გამხდარა. ახლა გახდება. მისი პოლიტიკური პლატფორმა - რუსეთთან ურთიერთობის გაუმჯობესება და უფრო სამართლიანი საზოგადოება - შემაშფოთებლად ბუნდოვანია. საქართველო შესაძლოა, სტაგნაციაში შევიდეს ან უფრო ცუდი რამ მოხდეს - გააჰყვეს სხვა ყოფილი საბჭოთა რესპუბლიკების გზას ავტოკრატიული კაპიტალიზმისკენ, რომელიც კრემლის ჩრდილქვეშ იმუშავებს," - წერს "ეკონომისტი".

ფრანგული გაზეთი "ფიგარო" კი საქართველოში გამართული არჩევნების შესახებ იზაბელ ლასერის სტატიას აქვეყნებს. სტატიაში ნათქვამია, რომ ივანიშვილის მომხრეები საარჩევნო კომისიებს უტყვენ, რათა მათი პარტიის წარმატება კიდევ უფრო გაიზარდოს. "ფიგაროს" ინფორმაციით, ოთხშაბათიდან მოყოლებული, ინციდენტები ხდება იმ ოც საარჩევნო ოლქში, რომლებშიც სააკაშვილმა გაიმარჯვა.

"სცენარი ყველგან ერთი და იგივეა: "ქართული ოცნების" მომხრეები აცხადებენ, რომ დაფიქსირდა მმართველი პარტიის მიერ არჩევნების დარღვევების ფაქტი, რის შემდეგაც იერიში მიჰქრება საარჩევნო კომისიებზე, ემუქრებიან ან ფიზიკურად ზემოქმედებენ საარჩევნო კომისიების წევრებზე და ითხოვენ არჩევნების შედეგების გაუქმებას," - წერს იზაბელ ლასერი.

ავტორი განმარტავს, რომ საქართველოში მოქმედი კონსტიტუციის თანახმად, პრეზიდენტი უფრო მეტ ძალაუფლებას ფლობს, ვიდრე 1 ოქტომბრის არჩევნებში გამარჯვებული "ქართული ოცნების" კოალიცია და აქედან გამომდინარე, სანამ კონსტიტუცია შეიცვლება, ქვეყნის მეთაურს თეორიულად ჯერ კიდევ შეუძლია რევანშის აღება - მას პარლამენტის დათხოვნის უფლება აქვს.

გაზეთის ინფორმაციით, დასავლეთში მიიჩნევენ, რომ მოვლენების ასე განვითარების თავიდან ასაცილებლად ივანიშვილის ბლოკი მიხეილ სააკაშვილის ჩამოგდების გეგმას ამზადებს. "ფიგარო" წერს, რომ მოგებული გუნდი ცდილობს, დაშინებით მოიპოვოს საკონსტიტუციო უმრავლესობა (პარლამენტის 150 ადგილიდან 101 ადგილი).

"საერთაშორისო საზოგადოებამ ამის გამო სერიოზული შეშფოთება გამოთქვა. ამერიკის ელჩი საქართველოში პირადად ჩავიდა ზუგდიდში, რათა დაძაბულობა შეემცირებინა. ევროპის სახალხო პარტიის მრავალმა წევრმა, რომლებიც არჩევნების აკვირდებიან, ივანიშვილის კოალიციას მოუწოდებდა, დაიცვინ კონსტიტუცია და არ მოახდინონ "საქართველოში ჩატარებული ყველაზე თავისუფალი და სამართლიანი არჩევნების" დისკრიდიტაცია," - წერს იზაბელ ლა-

სერი და კითხვას სვამს - ევროპულთა რეაქციის შემდეგ ბიძინა ივანიშვილმა მოუწოდა თავის მომხრეებს, შეწყვიტონ აქციები. შეისმენენ კი მის მოწოდებას?"

საქართველოს საპარლამენტო არჩევნებს სარედაქციო წერილს უძღვნის ესპანური გამოცემა "ელ პაისი". სტატიაში, სათაურით - "საქართველო ხმას აძლევს ცვლილებებს", ნათქვამია, რომ ბიძინა ივანიშვილს დიდი გამოწვევა ელის წინ.

"მან მოსკოვთან ურთიერთობა ისე უნდა მოაწესრიგოს, რომ ქვეყნის მთავარ საგარეო პოლიტიკურ პრიორიტეტებად კვლავ ევროკავშირსა და ნატო-ში ინტეგრაცია დარჩეს," - აღნიშნავს "ელ პაისი".

"ქართული დემოკრატიის მარში" - ამ სათაურით აქვეყნებს სტატიას "ნიუ იორკ ტაიმსი". ჟურნალისტიმა ჯობ ჰეინიგმა საპარლამენტო არჩევნებში "ქართული ოცნების" გამარჯვებას ტრიუმფალური უწოდა, ხოლო თავად გამარჯვების ფაქტს - დემოკრატიის გზაზე წინგადადგმული გივანტურის ნაბიჯი. ავტორი აღნიშნავს, რომ დემოკრატიის აღზევება საქართველოში აშშ-ს გამარჯვებასაც ნიშნავს, ხელისუფლების მშვიდობიანი გადაცემა კი, რაც რეგიონისთვის უპრეცედენტო ფაქტად უნდა შეფასდეს, ამ რეგიონის სტაბილურობის გარანტიაა.

მომავალი პრეზიდენტი პირველი მხედრე ბიზნესმენებთან

“ხელისუფლება და ჩინოვნიკები კერძო ბიზნესში არ ჩაერევინან”

ნატა ნინიძე

“ქართული ოცნების” ლიდერი ბიძინა ივანიშვილი გუშინ სასტუმრო “ქორთიარდ მარიოტში” ბიზნესმენებს შეხვდა. მედიისთვის ღია შეხვედრაზე ივანიშვილმა ბიზნესის წარმომადგენლებს პირობა მისცა, რომ ვერაფერი გაბედავს მათზე ზეწოლა.

“ქართული ოცნების” ლიდერმა ბიზნესმენებს სთხოვა, თუ ვინმე კავშირშია ფასებთან და მონოპოლიებთან და კარტელურ შეთანხმებებში მონაწილეობს, ამაზე უარი თქვას.

კოალიციის ლიდერი აცხადებს, რომ მონოპოლიებს კანონის საშუალებით აუცილებლად შევბრძოლებინ. მისივე თქმით, ხელისუფლება და ჩინოვნიკები კერძო ბიზნესში ჩაერევას ვერ გაბედავენ და ყველაფერს გააკეთებს, რათა საქართველოში კერძო საკუთრება და ბიზნესი

დაცული იყოს. “ეს უნდა იყოს საფუძველი, რომ საქართველოში ბიზნესი რეალურად განვითარდეს, ასევე ეკონომიკის აღორძინებისთვის და იმ პრობლემის წინააღმდეგ ბრძოლისთვის, რასაც უშუალოდ ბიზნესი - განაცხადა ბიძინა ივანიშვილმა.

ივანიშვილის თქმით, მისი მთავრობა ანტიმონოპოლიურ კომიტეტს შექმნის და არ დაუშვებს დღევანდელ მდგომარეობას, “როდესაც ეკონომიკა მონოპოლიებით და კარტელური შეთანხმებებით იმართება”.

ბიძინა ივანიშვილის თქმით, თავად იქნება გარანტი იმისა, რომ ამიერიდან ველარავინ გაბედავს ბიზნესზე ზეწოლას. “ოღონდ თქვენ არ დაექვემდებარეთ ზეწოლას. როგორც კი ვინმე ეცდება ზეწოლას, თქვით, რათა ჩვენ შესაბამისი რეაგირება მოვახდინოთ,” - უპასუხა ივანიშვილმა.

“ქართული ოცნების” ლიდერმა კიდევ ერთხელ აღნიშნა, რომ ჩინოვნიკები ბიზნესში ველარ ჩაერევინან, პროკურატურა და პოლიცია ხალხისა და ბიზნესის სამსახურში ჩადგება, საარბიტრაჟო სასამართლო, რომელიც დღევანდელმა ხელისუფლებამ გააუქმა, აღდგება.

ივანიშვილის საპასუხოდ ფარმაცევტული კომპანია “ავერსის” მფლობელმა პაატა კურტანიძემ განაცხადა, რომ უშუალოდ ფარმაცევტულ სფეროში მონოპოლია არ არსებობს. “2006 წლის 5 აგვისტოს გაუქმდა ბაზრის ლიცენზია და ფარმაცევტული მედიკამენტების შემოტანა ყველას შეუძლია. “ავერსი” 18 წელია, ბაზარზე არსებობს და მუხლჩაუხრელი შრომის შედეგად დღეს ბაზრის 20 პროცენტს ეკავება. არც ედუარდ შევარდნაძის და არც მიხეილ სააკაშვილის ხელისუფლების დროს კანონი არ დაგვირღვევია

და ამას არც მომავალში ვაპირებთ. გეტანხმებით, რომ მონოპოლისტიები არ უნდა არსებობდნენ და ძალიან კარგია, რომ მონოპოლისტობას წყვეტს არა ძველი ან ახალი მთავრობა, არამედ ანტიმონოპოლიური სააგენტო. ჩვენი რენტაბელობა 5 პროცენტია და ეს იმის დაზარალებებზეა, რომ მედიკამენტებს, რეალიზაციასთან ერთად, ვანარმოებთ კიდევ,” - განაცხადა კურტანიძემ.

საქართველოს ბანკების ასოციაციის პრეზიდენტი ზურაბ გვასალია შეხვედრაზე ბიძინა ივანიშვილს უმეტესობა, რომ საბანკო სექტორი პოლიტიზებული არ არის.

“საზოგადოებაში მუსირებს აზრი, თითქოს ბანკი უფრო უნდობელი იყოს ვიდრე უნდა იყოს. ეს ასე არ არის. საბანკო სექტორის დაზარალება მხოლოდ პოლიტიკას შეუძლია და ბანკები პოლიტიკისგან შორს უნდა იდგნენ,” - მიმართა გვასალიამ ივანიშვილს.

კოალიციის ლიდერის თქმით, ის, რომ “საბანკო სექტორი პოლიტიზებული იყო, “ქართუ ბანკის” ირგვლივ შექმნილი მოვლენების დროს კარგად გამოჩნდა”. “უნდა შევეცადოთ, რომ ორმხრივი მცდელობით გავთავისუფლოთ და ის, რაც განუხლებ, ჩამოიფერტოს, სახელმწიფოს კი იმის შესრულება მოსთხოვოთ, რაც ევალება. არავითარი მეგობრობა ხელისუფლებასთან - მხოლოდ კანონის ფარგლებში თანამშრომლობა,” - აღნიშნა ივანიშვილმა.

გუშინდელ შეხვედრაზე, რომელსაც ბიძინა ივანიშვილმა ნდობის ჩამოყალიბების შეხვედრა უწოდა, ქართული ბიზნესის ათეულობით წარმომადგენელი იყო მისული, კოალიციის მხრიდან კი ექსპერტი კა ხუხაშვილი, “ქართუ ბანკის” პრეზიდენტი ნოდარ ჯავახიშვილი, ექსპერტი ეკონომიკის საკითხებში ნოდარ ხაღურაძე იმყოფებოდნენ.

სანავის, პირველადი მოხმარების პროდუქციისა და ელექტროენერჯის გადამამუშავების ბაზრებზე აკრძალა რეგულირება

ენო ნარკვაშვილი

კოალიცია “ქართული ოცნების” ერთ-ერთი ლიდერის ლევან იზორიას განცხადებით, “ქართული ოცნების” ხელისუფლებაში ოფიციალურად მოსვლის შემდეგ სანავის ფასი საშუალოდ 20 თეთრით შემცირდება. მისი თქმით, ბაზარზე სანავის ფასი ხელოვნურადაა გაზრდილი და მონოპოლიური სიტუაცია სანავის ღირებულების შემცირების საფუძველს არ იძლეოდა. მისი განმარტებით, ხელისუფლებაში კოალიცია “ქართული ოცნების” ოფიციალურად მოსვლის შემდეგ ბაზარზე მონოპოლია აღარ იარსებებს და კონკურენტუნარიანი გარემო კომპანიებს იძულებულს გახდის, მომხმარებელს სანავი გაცილებდნენ დაბალ ფასად შესთავაზონ. “ყველა ბენზინგასამართ სადგურზე ერთსა და იმავე დროს იკლებს და მატულობს სანავის ფასი. ყველა ხვდება, რომ ფასი ხელოვნურად იზრდება, არ შეიძლება, აზერბაიჯანიდან და ევროპიდან შემოტანილი სანავი ერთი და იგივე ფასი ღირდეს,” - აცხადებს იზორია.

მისივე თქმით, კოალიციის ხელისუფლებაში მოსვლის შემდეგ ფასები არა მარტო სანავაზე, არამედ პირველადი მოხმარების პროდუქციასა და ელექტროენერჯიაზე შემცირდება. ამ განცხადების საფუძველად იზორია ბაზარზე კონკურენტუნარიანი გარემოს შექმნას ასახელებს, რასაც, მისი თქმით, კოალიცია უზრუნველყოფს.

ლევან იზორია საქართველოში ნავთობპროდუქტების ბაზრის არაკონკურენტული მდგომარეობის შესახებ რამდენიმე თვის წინ პარლამენტში არასამთავრობო ორგანიზაციების წარმომადგენლებთან და ექსპერტებთან საქართველოში კონკურენციის პოლიტიკისა და პრაქტიკის საკითხების განხილვისასაც საუბრობდა. მისი განცხადებით, საქართველოში სანავის სარეალიზაციოდ შემოტანის უფლებას, როგორც დასავლეთის, ისე აღმოსავლეთის მიმართულებიდან მხოლოდ 5 კომპანიას აძლევენ. ლევან იზორიამ მეთოდების შესახებაც საუბრობდა, რომელიც პოტენციურ იმპორტიორებს საბაჟოზე ექმნებათ. მისი თქმით, “როდესაც კონკურენტი კომპანია საქართველოში სარეალიზაციოდ სანავს შემოიტანს, შეიძლება, მას ხარისხის გამო შეედავონ, დააჯარიმონ, პროდუქტია დააყოვნონ. საბაჟოზე პროდუქტის შეყვება კი დამატებით ხარჯებს იწვევს და იმპორტიორს მისი შემოტანა აღარ უღირს.”

იზორია საქართველოს ნავთობპროდუქტების ბაზარზე კარტელური შე-

თანხმებების შესახებაც საუბრობდა. კერძოდ, მისი თქმით, იმის გამო, რომ ფასები ხელოვნურად არის დადგენილი, 5 კომპანია ზემოეგებაზე მუშაობს. “ამის მტკიცებულება ის არის, რომ 13, 26 თებერვალს და 18 მარტს სუთმა კომპანიამ სანავის ფასი ერთდროულად, 5 თეთრით გაზარდა საერთოდ, ხუთივე კომპანიას რეგულარის ბენზინზე ერთი და იგივე ფასი აქვს. ევროპიდან შემოტანილი ბენზინს და აზერბაიჯანიდან შემოტანილ “სოკარის” ბენზინს, როგორ შეიძლება ერთნაირი ფასი ჰქონდეს დაწესებული. აზერბაიჯანის სანავის ტრანსპორტირება გაცილებით იაფი ჯდება. გარდა ამისა, ევროპული ბენზინი მაღალი ხარისხისაა და უფრო ძვირი ღირს.”

მისივე განცხადებით, “საერთაშორისო ბირჟებზე ფასების კლების ტენდენციის მიუხედავად, საქართველოს საცალო ბაზარზე ფასები შენარჩუნებულია ან იზრდება. თუ ბაზარზე რეალური კონკურენცია და ის შევებობობითობის პრინციპს ემყარება, საერთაშორისო ბირჟაზე ფასის დანევა საცალო ბაზარზე რატომ არ აისახავს? საქართველოში დაწესებულ ხელოვნურ ფასსა და საერთაშორისო ბირჟებზე არსებულ ფასებს შორის სხვაობის საშუალო ზღვარი 20-დან 25 თეთრამდე მერყეობს, ზოგჯერ 40-მდეც ადის. ეს წლიურად 200-300 მილიონი ლარის მოგებას იძლევა.”

რატომ ძვირდება ბენზინი

ნავთობპროდუქტების იმპორტიორთა კავშირის თავმჯდომარე ვანო მთვრალაშვილი კი ფასების ზრდას მუდმივად უკავშირებს საერთაშორისო მონაცემებს - “გაძვირება საერთაშორისო ბაზარზე ნავთობის ზრდას უკავშირდება. ბარეზე ნავთობის ფასი ბოლო სამი თვის მანძილზე ყველაზე მაღალი დაფიქსირდა. ასევე, ტონა ბენზინი პლატინის (PLATT'S) მიხედვით, 1 ივლისის შემდეგ, ტონაზე 200 დოლარითაა გაზრდილი, ხოლო დიზელი 150 დოლარით. ანუ ბოლო სამი თვის განმავლობაში, მსოფლიო ბაზარზე ფასების მატების ტენდენცია შეინიშნება, ამიტომ ფასების ერთდროს კლება, ჩვენს ფასებზე არ აისახება”. ვანო მთვრალაშვილის თქმით, ფასების მატებას სწორედ პლატინის ფასი განაპირობებს, რომელიც სოლიდურად გაზრდილია.

ეკონომისტი დემურ გიორგულიძე ამ ფაქტს მონოპოლიური ბაზრითა და ხელისუფლების პოლიტიკური გადაწყვეტილებით ხსნის. “ფასების გაზრდა არაფერს უკავშირდება. ესაა მონოპოლიური ბაზრის უბედურება. ხელისუფლების

ნება-სურვილი რომ არ იყოს, ერთ თეთრსაც ვერ მოუმატებდნენ. ეს დამატებითი ზემოეგება - ერთი თვის განმავლობაში ძალიან დიდი თანხა!” - აცხადებს ის.

ბაზარზე კონკურენცია არ რეგულირდება

ორგანიზაცია “საერთაშორისო გამჭვირვალობა - საქართველო” აცხადებს, რომ ბაზარზე კონკურენციის წესებისა და პრინციპების დაცვაზე ზედამხედველობა არ ხდება. ორგანიზაციის მიერ აგვისტოს თვეში გამოქვეყნებული კვლევის, “კონკურენციის პოლიტიკა საქართველოში” ანგარიშში საქართველოში ნავთობპროდუქტებისა და სურსათის ბაზრებზე კონკურენციის თვალსაზრისით არსებული პრობლემებია გაანალიზებული. კვლევაში ასევე მოცემულია რეკომენდაციები, რომელთა შესრულების შემთხვევაში ორგანიზაციის განმარტებით, უზრუნველყოფილი იქნება ბაზარზე არსებული კონკურენციის ეფექტიანი რეგულირება.

კვლევაში ნათქვამია, რომ 2003 წლის “ვარდების რევოლუციის” შემდეგ საქართველოს ეკონომიკა, მთლიანობაში პოზიტიურად განვითარდა. ქვეყნის ეკონომიკური ზრდის მაჩვენებლის გარდა 2009 წელს ფიქსირდება, რომელიც გამოწვეული იყო ორმაგი უარყოფითი მოკით, რაც უკავშირდებოდა, ერთი მხრივ, 2008 წლის რუსეთ საქართველოს ომს და მეორე მხრივ, მსოფლიო ეკონომიკური კრიზისს, კერძოდ, საქართველოზე მის გავლენას. კვლევაში ნათქვამია, რომ ასევე სუსტია საქართველოს პოზიცია საკუთრების უფლების აღიარების (PRA) მიერ გამოქვეყნებული ყოველწლიური “საერთაშორისო საკუთრების უფლების ინდექსი” 2011 წლის რეიტინგის მიხედვით, რომელშიც მას მსოფლიოს 129 ქვეყანას შორის 113-ე ადგილი უკავია და იმ ქვეყნების 20%-ში შედის, რომლებმაც მოცემული რეიტინგის მიხედვით ყველაზე ცუდი შედეგები აჩვენეს.

ანგარიშში მოყვანილია ეკონომიკის ექსპერტის ვლადიმერ პაპავას სიტყვები, რომ “ქვეყანაში არსებული ეკონომიკური სიტუაციის ყველაზე ადეკვატურ ასახვას იძლევა არა სხვადასხვა რეიტინგი, არამედ სტატისტიკური ინფორმაცია, რომელიც ადასტურებს, რომ საქართველოს მოქალაქეების ეკონომიკური მდგომარეობა საკმაოდ რთულია, - ოფიციალური მონაცემების მიხედვითაც კი, საქართველოს მოსახლეობის 20% სიღარიბის ზღვრის ქვემოთ იმყოფება, 60% კი - საშუალო მოხმარების (“საშუალო” მოხმარებლის მოხმარე-

ბის) ზღვრის ქვემოთ. ექსპერტების შეფასებით, მოსახლეობის 86% სერიოზულ სოციალურ სიძნელებებს განიცდის,” - აღნიშნავს ეკონომიკის ექსპერტი ვლადიმერ პაპავა.

ორგანიზაცია საყურადღებოდ მიიჩნევს საქართველოს ეკონომიკაში ბოლო 3 წლის განმავლობაში გამოვლინებულ ზოგიერთ ტენდენციას, კერძოდ, პროდუქტებისა და სანავის ფასების ზრდას. ანგარიშში ნათქვამია, რომ 2010 წლის მეორე ნახევრიდან საერთაშორისო ბაზარზე კვების პროდუქტების ფასების ზრდამ ინფლაციური ნიშნები საქართველოშიც გამოიწვია.

ორგანიზაციის ცნობით, ფორმალური ბარიერების სიმცირის მიუხედავად, დღეისათვის ნავთობპროდუქტების ბაზარზე შეინიშნება, ერთი მხრივ, ბაზარზე მოქმედი კომპანიების რიცხვის შემცირების და, მეორე მხრივ, ფასების ზრდის ტენდენცია. 2006-2011 წლებში სანავით საცალო ვაჭრობის ბაზარზე მცირე და საშუალო სანარმოების ბრუნვის წილი საერთო ბრუნვაში 20 პროცენტთან 7 პროცენტამდე შემცირდა. ქართულ ბაზარზე სანავის ფასების ღირებულების დაზარალება, რომელიც დღესაც საერთაშორისო ბაზრებზე “პლატისის” ფასების ზრდას ქართულ ბაზარზე სანავის ფასის მატება მოსდევს, თუმცა საერთაშორისო ბაზრებზე “პლატისის” ფასების კლებისას უმეტეს შემთხვევაში ქართულ ბაზარზე სანავის ფასის შემცირების ტენდენცია არ შეინიშნება.

რა ხდება საკვები პროდუქტების ბაზარზე

რაც შეეხება საკვები პროდუქტების ბაზარს საქართველოში, კვლევის მიხედვით, ის მნიშვნელოვანწილად და-მოკიდებულია სურსათის იმპორტზე. ამიტომ 2010 წლის მეორე ნახევრიდან საერთაშორისო ბაზარზე კვების პროდუქტების ფასების ზრდამ საქართველოზეც მოახდინა გავლენა, რადგანაც სურსათზე განეული ხარჯების ხვედრითი წილი სამომხმარებლო კალთაში მაღალია. კვლევის მიხედვით, 2007-2009 წლებში ეს წილი 43% იყო, ხოლო 2010-2011 წლებში - 38,8%. გამჭვირვალობას საყურადღებოდ მიაჩნია ის ფაქტი, რომ კვების პროდუქტების ბაზარზე არაკონკურენტული გარემო არ ახდენდეს ფასებზე გავლენას. “გამჭვირვალობის” თქმით, საქართველოში რძის პროდუქტების წარმომწობისათვის საჭირო ნატურალური რძის და წარმოებული ხორცპროდუქტების ოდენობა ვერ აკმაყოფილებს ქართულ ბაზარზე არსებულ მოთხოვნას. დანაკლისი იმპორტით ი-

სება. რძის პროდუქტების შემთხვევაში ასევე გამოიყენება რძის ფხვნილი და მცენარეული ცხიმი.

“რძის პროდუქტების ბაზარზე არსებულ პრობლემებს შორის პროდუქციის ფალსიფიკაციას და ეტიკეტრების წესების დარღვევას გამოყოფენ, ხორცპროდუქტების ბაზარზე კი ძირითადად პროდუქტის უგნებლობის პრობლემა გამოიყოფა. პრობლემა ასევე ხორცპროდუქტებში საკვები დანამატების გამოყენება და მათი კონტროლის სისტემის არარსებობა”, - განმარტავენ კვლევაში. აქვე ნათქვამია, რომ ქართულ ბაზარზე ბოლო პერიოდში რძის პროდუქტებისა და ხორცპროდუქტების ფასების ზრდის მკვეთრად გამოხატული დინამიკა შეინიშნება. ამასთანავე, ბაზრის ნამყვანი ფირმების მიერ მიწოდებული ერთგვაროვანი პროდუქტების ფასებზე დაკვირვება მათი პარალელულობის მკვეთრად გამოხატულ ტენდენციას ავლენს.

“გამჭვირვალობის” ცნობით, 2004 წელს სურსათის უგნებლობის სფეროში დაწყებული რეფორმა 2006 წელს შეყვრებულ იქნა. შედეგად, აღარ არსებობდა სტაბილური სახელმწიფო ზედამხედველობა სურსათის უგნებლობაზე, რაც მომხმარებლის ჯანმრთელობასა და სიცოცხლეს სერიოზულ რისკს უქმნიდა.

აღსანიშნავია, რომ ფასების ცვლილების მიზეზად მხოლოდ გარე ფაქტორებს ასახელებს საქართველოს ეროვნული ბანკი (სებ). მის ვებგვერდზე განცხადებით, რომ სებ-ი მისი საქმიანობის უმთავრესი მიზნის - ფასების სტაბილურობის მისაღწევად და ეფექტიანი მონეტარული პოლიტიკის ჩამოსაყალიბებლად, ხელმძღვანელობს მის მიერ შემუშავებული, ინფლაციის საპროგნოზო და საქართველოს ეკონომიკის ზოგადი მაკროეკონომიკური მოდელოთ. საქართველოს ეროვნული ბანკის სტრატეგია 2012-2014 წლებისათვის განსაზღვრულია საქართველოს პარლამენტის დადგენილებით “2012-2014 წლების ფულად-საპროდუქტო და საავალუტო პოლიტიკის ძირითადი მიმართულებების შესახებ”, სადაც ერთ-ერთ პუნქტს წარმოადგენს - “2012-2014 წლების განმავლობაში სამომხმარებლო ფასების მოსალოდნელო დინამიკაზე მოქმედი რისკები, ძირითადად, არის ნავთობსა და საკვებზე მსოფლიო ფასების ცვლილება, ეკონომიკური რისკების ცვლილება, რეგულირებადი ფასების ცვლილება, ინფლაციის იმპორტი ძირითადი საფაქრო პარტნიორი ქვეყნიებიდან და სხვა.”

ეგვიპტის ახალი ურთიერთობები ამერიკასა და ჩინეთთან

გაერო-ს გენერალურ ასამბლეაზე გამოსვლის დროს ეგვიპტის პრეზიდენტი მოჰამედ მურსის, ირანის პრეზიდენტი მაჰმუდ აჰმადინეჯადისგან განსხვავებით, დასავლეთის ცივილიზაციების გამკიცხავი განცხადებები არ გაუკეთებია. ეგვიპტის პრეზიდენტი ვაშინგტონთან უსაფრთხოების სფეროში თანამშრომლობის შეჩერებასაც არ აპირებს. გაერო-ს გენერალურ ასამბლეამდე "ნიუ-იორკ ტაიმსისთვის" მიცემულ ინტერვიუში პრეზიდენტმა დააფიქსირა საკუთარი მოსაზრება, რომ ამერიკას და ეგვიპტეს შეუძლიათ, "ნამდვილი მეგობრები იყვნენ."

ამასთან, მოჰამედ მურსი თეირანში მიუმხობელთა მოძრაობის სამიტს დაესწრო, მიუხედავად იმისა, რომ ამერიკა ცდილობს, ირანის დიპლომატიური იზოლაცია კიდევ უფრო გაზარდოს. მურსი ირანთან დიპლომატიური დიალოგისთვის მზად არის და გაერო-ში საკუთარ გამოსვლაში ისიც აღნიშნა, რომ "ირანს გააჩნია უფლება, ფლობდეს ბირთვულ ენერჯის."

არსებული მდგომარეობიდან გამომდინარე ამკარაა, რომ ქვეყანას ამერიკის დახმარება სჭირდება, რაც გასული წლის განმავლობაში ორჯერ შეწყდა. პირველად მაშინ, როდესაც ეგვიპტის ხელისუფლებამ ეგვიპტეში ამერიკელი არასამთავრობო ორგანიზაციების წარმომადგენლები დააკავა და მეორედ ცოტა ხნის წინ, როდესაც ანტი-ისლამური ფილმის წინააღმდეგ დემონსტრაციები ეგვიპტეში ამერიკის საელჩოსთან იმართებოდა. შექმნილი ეკონომიკური მდგომარეობიდან გამომდინარე ისიც გასათვალისწინებელია, რომ ამერიკის კონგრესს ნაკლებად სურს, ეგვიპტის ხელისუფლებას მსხვილი ჩეკების გამოწერა გაუგრძელოს.

თუმცა, ამერიკის სახელმწიფო მდივანმა ჰილარი კლინტონ-



მა მოჰამედ მურსი ბოლო შეხვედრისას დაარწმუნა, რომ ეგვიპტე ამერიკისაგან მიიღებს როგორც სამხედრო, ასევე ეკონომიკურ დახმარებას. თუმცა, საკითხავია, გაგრძელდება თუ არა ეს დახმარება ამერიკაში ნოემბრის საპრეზიდენტო არჩევნების შედეგად, იმისდა მიუხედავად, თუ ვინ გაიმარჯვებს არჩევნებში.

არ გამოიციხავენ, რომ მურსის მთავრობამ შექმნილი სიტუაციიდან გამომდინარე ამერიკის შემცველზე დაიწყო ფიქრი. აღსანიშნავია, რომ ახლო აღმოსავლეთის სახელმწიფოების გარდა, აგვისტოში მურსის პირველი დიპლომატიური ვიზიტი არა ვაშინგტონში, არამედ პეკინში შედგა. მურსი ქვეყანაში ჩინეთის ინვესტიციების მოზიდვას ცდილობს. პეკინში ვიზიტი-

სას პრეზიდენტმა განაცხადა: "გინდა, რომ "აბრეშუმის გზა" კვლავ აკავშირებდეს პირდაპირ ეგვიპტესა და ჩინეთს."

თუმცა, საკითხავია, არის თუ არა მზად ჩინეთი, ეგვიპტესთან უფრო ახლო ურთიერთობა დაამყაროს და მიესალმება თუ არა პანარაბული მოძრაობა "მუსლიმანი ძმები" ჩინეთთან ახლო კავშირებს? სავარადუდოდ, ჩინეთის დაინტერესება ეგვიპტე ყველაზე მეტად სუეცის არხით შეძლება. ჩინური ფირმები უკვე აკონტროლებენ ნავსადგურებს პანამის არხის ორივე ბოლოში და თუ ეგვიპტე შესთავაზებს სუეცის არხის მართვაში მონაწილეობას, ჩინეთს, სავარაუდოდ, უარის თქმა გაუჭირდება. ეს კი გლობალურ არენაზე ჩინეთის მიერ სერიოზული განაცხადის გაკეთებას

ნიშნავს. ეს ნაბიჯი მკაფიო გზავნილი გასდება ვაშინგტონისადმი, რომ ის ქალაქში მთავარი მოთამაშე აღარ იქნება.

მსგავსი პრეცედენტი კი ჩინეთის ისტორიაში უკვე არსებობს - გამალ ნასერმა, როდესაც მას ამერიკის პრეზიდენტი ეიზენჰაუერის ადმინისტრაციასთან ურთიერთობა დაეძაბა, მხარდაჭერისთვის საბჭოთა კავშირს მიმართა. ახლა, როდესაც ვაშინგტონი და კაირო ფრთხილად გადახედვენ საკუთარ ურთიერთობას, საკითხავია, აინტერესებს თუ არა პეკინს, ამ რეგიონის ქვეყნების ალტერნატიული სპონსორი გახდეს.

ნიკოლას გოზდევი
"World Politics Review"-ს
მთხედვით მოამზადა
თამთა კახაძემ

პუტინის წარმატებული ვიზიტი ტაჯიკეთში

რუსეთის პრეზიდენტი ტაჯიკეთში ორდღიანი ვიზიტით ჩავიდა. პუტინის სტუმრობა დაემთხვა მასპინძლის, ტაჯიკეთის პრეზიდენტ ემამალი რახმონის დაბადების დღეს - მას 5 ოქტომბერს 60 წელი შეუსრულდა. ეს პუტინის ხუმრობის საფუძველიც გახდა. "ბრძენი ადამიანი ხართ და ამაში კიდევ ერთხელ დავრწმუნდი. მომინევი დაბადების დღეზე და ახლა ყველა ხელშეკრულებას უნდა მოვანერო ხელი, რომელსაც შემომთავაზებთ. დაბადების დღეზე უარს ხომ ვერ გეტყვით," - აღნიშნა პუტინმა პრესკონფერენციაზე. მან რახმონს პირადი საჩუქარიც ჩაუტანა - უახლესი რუსული სნაიპერული მარშალი. მართლა სერიოზული სახელმწიფოებრივი საჩუქარი კი სტუმარს მასპინძელმა გაუკეთა. პრეზიდენტებმა ხელი მოაწერეს ხელშეკრულებას, რომლის თანახმადაც, რუსული #201 სამხედრო ბაზა ტაჯიკეთში 2042 წლამდე დარჩება და თანაც თითქმის უსასყიდლოდ. ეს საზღვარგარეთ ყველაზე დიდი რუსული სამხედრო ბაზაა, იქ 7 ათასი სამხედრო მსახურებს. რუსეთს რაღაცეები აქვს გადასახდელი, მაგრამ ეს მხოლოდ მომსახურების ხარჯებია. იჯარის თანხას რუსეთი არ იხდის. ეტყობა, რახმონმაც "გათვალისწინა" ის, რომ კვირას პუტინსაც აქვს დაბადების დღე - მასაც 60 წელი უსრულდება. მოლაპარაკებები სხვა სერიოზულ საკითხებსაც შეეხო, მათ შორის ერთობლივ ეკონომიკურ პროექტებს. ამ ვიზიტის თემას დანერვილებით კიდევ დავუბრუნდებით.

პრადის აეროპორტს ჰაველის სახელი მიენიჭა

გუშინ ჩეხეთის დედაქალაქის მთავარ აეროპორტს ოფიციალურად მიენიჭა ამ ქვეყნის ლეგენდარული პრეზიდენტის ვაცლავ ჰაველის სახელი და ეს სახელიმ ცერემონიაზე გამოცხადდა. ცერემონია დაამთავრეს ჰაველის დაბადების დღეს - გუშინ მას 76 წელი შეუსრულდებოდა. ჩეხეთის ექს-პრემიერმა კარელ შვარცენბერგმა იმედი გამოთქვა, რომ ყველა მგზავრი, რომელიც პრადას დატოვებს, პატივს მიაგებს ცნობილი პოლიტიკოსის, მწერლისა და დრამატურგის ხსოვნას. ვაცლავ ჰაველი პარმან, 18 დეკემბერს, 75 წლის ასაკში გარდაიცვალა.

ტუნისში არეულობის 87 მონაწილე სიკვდილით დასჯა ემუქრება

ქვეყნის ხელისუფლება და პროკურატურა აპირებს, აშშ-ს საელჩოს შტურმის აქტიურ მონაწილეთა სიკვდილით დასჯა მოითხოვოს. ბრბოს მიერ ამერიკის საელჩოს აღების მცდელობა იმ არეულობების დროს იყო, რომელიც სექტემბერში ისლამურ სამყაროში მოეწყო და მათ შორის ტუნისში წინასწარმეტყველ მუჰამედის შუურაცხმყოფელი ფილმის "მუსლიმანთა უმანკოების" ინტერნეტი განთავსების გამო. ეჭვმიტანილების ადვოკატებმა ანუარ ულეფ ალიმ და მონდერ შარნიმ მედიას განუცხადეს, რომ 87 ადამიანი, რომლებიც ხელისუფლებამ უსწრიგობებში მონაწილეობის გამო დააკავა, სასამართლოს წინაშე უნდა წარდგინდნენ მთელი რიგი ბრალდებების გამო - მათ შორის სახელმწიფო უშიშროების თანამშრომლებზე თავდასხმისთვის. ადვოკატების სიტყვით, პროკურატურა ყველა მათგანისთვის სასჯელის უმაღლეს ზომას მოითხოვს. არეულობის დროს ბრბომ აშშ-ს საელჩოს შეუტია. ხალხმა ჩააშხვრია შენობის ფანჯრები, ცეცხლი წაუკიდეს შენობის წინ მდგარ ხეებს და აშშ-ს დროშის მაგივრად შავი დროშა გამოიკიდეს. ხალხი შენობაში ვერ შეიჭრა. მათ შესაჩერებლად პოლიციამ რეზინის ტყვიები და ცრემლსადენი გაზი გამოიყენა. არეულობისას 4 ადამიანი დაიღუპა, 49 დაშავდა. იმავე დღეს დაცხრილეს ამერიკული სკოლა, შენობას ცეცხლი გაუჩნდა, მაგრამ არავინ დაშავებულა, რადგან სკოლაში იმ დროს მოსწავლეები არ ყოფილან.

მოამზადა ივა შილაკაძემ

ბიზნესი

მსოფლიოში სურსათი გაძვირდა

თინა შავაძე

გაერო-ს სურსათისა და სოფლის მეურნეობის ორგანიზაციის (FAO) მონაცემებით, მსოფლიოში სურსათზე ფასები სექტემბერში, აგვისტოსთან შედარებით, 1.4 პროცენტით გაიზარდა. ამასთან, აგვისტოსა და ივლისში სურსათზე ფასები სტაბილურად ერთ დონეზე იყო.

FAO-ს ინდექსით, რომელიც სასურსათო პროდუქტების სამომხმარებლო კალათას ეყრდნობა, ფასები გაიზარდა რძისა და ხორცის პროდუქტებზე, ხოლო მცირედი ზრდა აღინიშნა მარცვლეულზე. თუმცა, შაქრისა და მცენარეული ზეთის ფასი შემცირდა. მარცვლეულის ფასები სექტემბერში 1 პროცენტით გაიზარდა, რამდენადაც ხორბლისა და ბრინჯის ფასმა სიმინდზე ფასის დაცემის კომპენსაცია მოახდინა.

მარცვლეულის მსოფლიო ბაზარზე

ზე ბოლო თვეებში სიმინდის ფასმა მომბატა მისი ექსპორტის შემცირების გამო, ხორბლის მიწოდებაზე შემცირდა, თუმცა ხორბლის ფასები სექტემბერის მეორე ნახევარში მაინც დაეცა, როცა რუსეთმა განაცხადა, რომ ექსპორტზე შეზღუდვების დაწესებას არ აპირებს. ხორცი, საშუალოდ, 2,1 პროცენტით გაძვირდა. ფასების მატება განსაკუთრებით აღინიშნა ღორის და ფრინველის სექტორში, რადგან საკვები მარცვლეული, შესაბამისად, 6 პროცენტით და 2 პროცენტით გაძვირდა.

ყველაზე მეტად რძის პროდუქტები გაძვირდა. ამ სექტორში 7-პროცენტიანი ზრდა დაფიქსირდა და 2011 წლის იანვრის დონეს გაუტოლდა. მყარი რჩება გლობალური მოთხოვნა რძის პროდუქტებზე - მათი ფასების ზრდაზე გავლენა საკვები მარცვლეულის გაძვირებამ მოახდინა.

FAO-ს უახლესი პროგნოზით, წელს მსოფლიოს მარცვლეულის წარ-



მოება, გასული წლის რეკორდულ მაჩვენებელთან შედარებით, შემცირდება. თუმცა უხვი მოსავლის მოლოდინში არიან დაბალმემოსავლიანი და საკვების დეფიციტის მქონე ქვეყნები.

ამჟამინდელი პროგნოზით, მსოფლიოს მარცვლეულის წარმოება 2012 წელს 2,6 პროცენტით შემცირდა გასული წლის რეკორდულ მოსავალთან შედარებით, მაგრამ მიუახლოვდა 2008 წლის მარცვლეულის წარმოების უდიდეს მოცულობას. პროგნოზით მოცემულ საერთო შემცირებაზე გავლენა იქონია ხორბლის წარმოების 5,2 პროცენტით და საკვების მარცვლეულის 2,3 პროცენტით კლებამ.

ამან შეიძლება, FAO ანგარიშის მიხედვით, მსოფლიო ხორბლის მარაგის მნიშვნელოვანი შემცირება გამოიწვიოს. მარცვლეულის წარმოებაზე გავლენას ახდენს გვალვა ძირითად მწარმოებელ რეგიონებში, მათ შორის აშშ-ში, ევროპისა და ცენტრალური აზიის ქვეყნებში.

SAMSUNG-მა ორ თვეში რეკორდული მოგება მიიღო

Galaxy-ის სმარტფონების პოპულარობამ კომპანია Samsung Electronics-ს რეკორდული მოგება მოუტანა.

სამხრეთ კორეული კომპანიის განცხადებით, ივლისი-სექტემბრის პერიოდში მან 7,3 მილიარდი დოლარის მოგება მიიღო, რაც თითქმის ორჯერ მეტია, გასული წლის იმავე პერიოდთან შედარებით, - იუნყება "ბი-ბი-სი".

ამ მაჩვენებელმა, რომელმაც Samsung-ის აქციების ფასი 1.5 პროცენტით გაზარდა, ფინანსური

ანალიტიკოსების ყოველგვარ მოლოდინს გადააჭარბა.

ექსპერტების შეფასებით, რეკორდული მოგების მიუხედავად, Samsung-ის ფინანსურ მდგომარეობაზე უარყოფითად იმოქმედებს Apple-თან არსებული დავა.

თანამედროვე ტექნოლოგიების ეს ორი გიგანტი ერთმანეთს ინტელექტუალური საკუთრების უფლებების დარღვევაში ადანაშაულებს.

აგვისტოში, კალიფორნიის სასამართლოს გადაწყვეტილებით,

Samsung-მა Apple-ს მილიარდი დოლარის კომპენსაცია მისი პატენტების უკანონო გამოყენების გამო უნდა გადაუხადოს.

ამ მომენტისთვის Samsung-ი ცდილობს, სასამართლოს გადაწყვეტილების გადახედვას მიაღწიოს.

ოზამა რომის ტყუილში ადანაშაულებს

ნათანა ბაზილი

ირანში ეროვნული ვალუტის კრიზისის "მთავარი დამნაშავეები" დააკავეს

ირანში 16 ადამიანი დააკავეს, რომელთაც ეროვნული ვალუტის კრიზისის ხელშეწყობაში ედებათ ბრალი. ამ პრობლემის გამო ქუჩაში საპროტესტო გამოსვლები დაიწყო (გუშინ ამ თემაზე დანერგული წერდა "24 საათი"). დაკავებულები "უცხოური ვალუტის ბაზარზე ბოლოდროინდელი რყევების მთავარი მოთამაშეები არიან," - ნათქვამია თეირანის სასამართლოს განცხადებაში. "სი-ენ-ენ"-ის ცნობით, დაკავებულებმა ვინაობა ჯერ ცნობილი არ არის. აქციის ორგანიზატორთა და საეჭვო პირთა დაპატიმრება ქუჩაში საპროტესტო გამოსვლას მოჰყვა. დემონსტრანტები ქვეყნის პრეზიდენტ მაჰმუდ აჰმადინეჯადის საწინააღმდეგო სლოგანებსაც სკანდირებდნენ. ირანული საინფორმაციო სააგენტოს ცნობით, ასევე დააკავეს რამდენიმე "აგენტური" და ორი ევროპელი ტურისტები, რომლებიც საპროტესტო გამოსვლის შესახებ ინფორმაციას აგროვებდნენ.

ირანული რიალის რეკორდულ მაჩვენებელამდე დაცემა ამერიკისა და ევროკავშირის მიერ დაწესებული სანქციების შედეგია, რითიც ცდილობენ, ამ ქვეყანას ბირთვულ პროგრამაზე მუშაობაზე ხელი ააღებინონ. აჰმადინეჯადი და ქვეყნის სულიერი ლიდერი აიათოლა ალი ჰამენეი სანქციების შესახებ აღნიშნავენ, რომ ამ სანქციებით "მტრები" მიზანს ვერ მიაღწევენ და ეს ირანელ ხალხს უფრო დაზარალებს, ვიდრე მოავრობას. ოთხშაბათს ქუჩაში გამოსულმა დემონსტრანტებმა ნათლად მიუთითეს, რომ ისინი ქვეყნის პრეზიდენტზე არიან გაბრაზებულები.

იორდანის მეფემ პარლამენტი დაითხოვა

იორდანის მეფე აბდულა მეორემ ქვეყნის საკანონმდებლო ორგანოში ვადამდელი არჩევნების ჩასატარებლად პარლამენტი დაითხოვა. არჩევნების ჩატარების შესახებ ბრძანებას ხელი უკვე მოწერილი აქვს, თუმცა ზუსტი თარიღი ჯერ უცნობია. ცოტა ხნის წინ აბდულა მეორე აცხადებდა, რომ სურდა, პარლამენტის შემადგენლობა მომავალი წლის ბოლომდე განეახლებინა. როგორც აღნიშნავენ, ეს გადაწყვეტილება მონარქმა მასობრივი საპროტესტო გამოსვლების ფონზე მიიღო. აქციის მონაწილეები პოლიტიკური რეფორმების გატარებას ითხოვენ. აქტივისტებით თქმით, იორდანელების სურვილია, ქვეყნის მართვაში მონაწილეობისთვის მეტი შესაძლებლობა ჰქონდეთ. ადგილობრივი მცხოვრებლები ასევე აღნიშნავენ, რომ ხელი-სუფულბამ კორუფციასთან ბრძოლა უნდა გააძლიეროს. მეფე აბდულა მეორემ ისიც განაცხადა, რომ მომავალ პრემიერ-მინისტრს პარლამენტი დანიშნავს.

დალესტანში სამი შეიარაღებული მებრძოლი მოკლეს

დალესტანში სპეცოპერაციის შედეგად სამი შეიარაღებული მებრძოლი მოკლეს. ადგილობრივი სამართალდამცავი ორგანოს ცნობით, ოპერაციის შედეგად ძალადგინების სტრუქტურის თანამშრომლები არ დაშავებულან. "სპეცოპერაცია დასრულდა. განადგურებულია სამი შეიარაღებული მებრძოლი. მათი ვინაობა დგინდება. ამ დროისთვის მიმდინარეობს იმ ბინის დათვალიერება, სადაც მებრძოლები იმალებოდნენ," - განუცხადა "რია ნოვოსტის" სამართალდამცავი სტრუქტურის წარმომადგენელმა.

თურქეთში დააკავეს ლიბიაში ამერიკის ელჩის მკვლელობაში ეჭვმიტანილები

სტამბულში ტუნისის ორი მოქალაქე დააკავეს, რომლებიც სექტემბერში ბენღაზიში ამერიკის ელჩ კრისტოფერ სტივენსის მკვლელობაში არიან ეჭვმიტანილი. აღნიშნულის შესახებ თურქული ტელეარხი იუწყება. ტელეარხის ცნობით, ეჭვმიტანილების აყვანა ათა-თურქის საერთაშორისო აეროპორტში მოხდა. დაკავებულები უსაფრთხოების განყოფილებაში გადაიყვანეს, მიმდინარეობს დაკითხვა. აღნიშნული ინფორმაცია ოფიციალურად ჯერ არ დადასტურებულა, თუმცა მას ამერიკის მასობრივი საინფორმაციო საშუალებებში ავრცელებენ.

ბაქოში დემონსტრანტებსა და პოლიციას შორის შეტაკება მოხდა

აზერბაიჯანში გუშინ განათლების სამინისტროსთან მონაწილეების აქცია დემონსტრანტებსა და პოლიციას შორის შეტაკებაში გადაიზარდა. დემონსტრანტები სკოლებში ხიჯაბით სიარულზე აკრძალვის მოხსნას მოითხოვდნენ. სამინისტროსთან, დაახლოებით, 200 ადამიანი შეიკრიბა ლო-ზუნგით "თავისუფლება ხიჯაბს", "თავისუფლება ისლამს", "დაწყვეტილი იქნენ სიონისტები". 150-მდე პოლიციელმა აქციის დარბევა დაიწყო, ამის პასუხად პოლიციას ჯოხებსა და ქვებს ესროდნენ. შეტაკების შედეგად ათი ადამიანი დააკავეს. ორივე მხარეს არიან დაშავებულები. დაზარალებულებს შორის არის ქალაქის პოლიციის უფროსის მოადგილე სახლბა ბაგიროვი. ცნობისათვის - ხიჯაბის ტარებაზე აკრძალვა 2010 წლის დეკემბერში დაინესეს.

ამერიკელი აქტივისტები პაკისტანში ამერიკის საჰაერო იერიშებს აპროტესტებენ

ვარდისფერ ტანისამოსში გამოწყობილი, დაახლოებით, 35 ამერიკელი აქტივისტი დღეს ისლამაბადში იმ დემონსტრაციის მიღებას მონაწილეობას, რომელიც პაკისტანის ტერიტორიაზე ამერიკის უპილოტო თვითმფრინავებიდან წარმოებული საჰაერო იერიშების წინააღმდეგ არის მიმართული. "სი-ენ-ენ"-ის ცნობით, ომის საწინააღმდეგო ჯგუფის Code Pink-ის წევრები პაკისტანს ეწვევიან, რათა იმ ხალხს შეხვდნენ, რომლებიც უპილოტოებიდან განხორციელებულმა საჰაერო იერიშებმა დაზარალა. აღნიშნული საჰაერო იერიშები პაკისტანის სერიოზულ გაღიზიანებას იწვევს. ისლამაბადში ასეთ მოქმედებას ქვეყნის სუვერენიტეტის ხელყოფად აღიქვამენ.

მოამზადა თამთა კახაძემ



რომ მას ასეთი არაფერი უთქვამს", - აღნიშნა ბარაკ ობამამ. დემოკრატმა კანდიდატმა ასევე იქედნურად გაიხსენა მიტრომის გეგმები ტელეარხ "PBS"-ის დაფინანსების შეკვეცაზე, სადაც პოპულარული საბავშვო პროგრამა "სეზამის ქუჩა" გადის. "მადლობა ღმერთს, ვიღაცამ როგორც იქნა გადაწყვიტა "დიდ ფრინველთან" ანგარიშსწორება. როგორც ჩანს, დადგა დრო. დღემდე არ ვიცოდით, რომ ბიუჯეტის ყველა პრობლემა, სწორედ, მას უკავშირდებოდა", - თქვა ლიმილით ბარაკ ობამამ. ცნობისთვის, ტელედებატებზე მიტრომის განაცხადი, რომ ძალიან უყვარს "დიდი ფრინველი", რომელიც "სეზამის ქუჩის" ცნობილი პერსონა-

ჟია, მაგრამ ეს მას ხელს არ შეუშლის შეამციროს არაკომერციული ტელეარხის ფედერალური დაფინანსება. დემოკრატების კანდიდატის ბრალდებებს რესპუბლიკელები უკვე გამოეხმაურნენ და აღნიშნეს, რომ პრეზიდენტი მსგავსი განცხადებებით საკუთარი თავის რეაბილიტაციას ცდილობს, რადგანაც მან კონკურენტთან სატელევიზიო დებატებში წააგო. "პრეზიდენტმა ობამამ მკაფიოდ ვერც კი შეძლო იმის ასხენა თუ რას მიაღწია თავისი მმართველობის პერიოდში. მას არც ქვეყნის სამომავლო ხედვა შეუთავაზებია ამომრჩევლისთვის", - თქვა თავის მხრივ რომის საარჩევნო შტაბის წარმომადგენელმა რაიან უილიამსმა. კომპანია "Nielsen Media

ბარო-მ თურქეთში სირიის თავდასხმა დაბო

პირველი გვირგვინი



ციის განცხადებით, შეტევის შედეგად რამდენიმე სირიელი ჯარისკაცი დაიღუპა. თურქეთის ვიცე-პრემიერმა ბეშირ ატალიმ განაცხადა, რომ სირიამ პასუხისმგებლობა საკუთარ თავზე აიღო და ბოდიში მოიხდა: "სირიამ განაცხადა, რომ მსგავსი რამ აღარ მოხდება. ეს კარგია," - აღნიშნა მან და დასძინა, რომ მათ შორის მოლაპარაკება გაერო შუამდგომლობის ტერიტორიაზე გარკვეულ ობიექტებზე დარტყმები განახორციელოს. ცნობისათვის - 3 ოქტომბერს სირიის მხრიდან თურქეთის ტერიტორია დაიბომბა, რის შედეგადაც ხუთი ადამიანი დაიღუპა - ერთი ოჯახის წევრები. ამის პასუხად თურქეთის არტილერიამ სირიის სამხედრო ობიექტი დაბომბა. სირიის ოპოზი-

რომ ალიანსი მხარს უჭერს თურქეთს და თვისი მოკავშირის წინააღმდეგ აგრესიული მოქმედებების შეჩერებას მოითხოვს. ალიანსი მოუწოდებს სირიის ხელისუფლებას, ბოლო მოუღოს საერთაშორისო სამართლის ნორმების დარღვევებს. პრეზიდენტ ბაშარ ასადის წინააღმდეგ ამბოხების დასაწყისში თურქეთის მიმართულ უკმაყოფილებას განხილავს ცეცხლი, თუმცა უკანასკნელი ინციდენტი ყველაზე სერიოზული იყო. ჭურვი აქვსკალეს ერთ-ერთ ეზოში ოთხშაბათს საღამოს აფეთქდა, როდესაც იქ მცხოვრები ოჯახი სადილისთვის ემზადებოდა. აფეთქების შედეგად დაიღუპა დედა, მისი სამი შვილი და დეიდა. თურქეთის უსაფრთხოების ძალების წარმომადგენლის განცხადებით, ქვეყნის

Research"-ის მონაცემებით, რომელიც პირდაპირ ეთერში მიმდინარე დებატებისას კანდიდატების რეიტინგების კვლევაზე მუშაობდა, გადაცემის აუდიტორიამ 40 მილიონი ადამიანი მოიცვა. რაც შეეხება სხვა კომპანიების მიერ ჩატარებულ კვლევებს, მონაცემები თითოეული კანდიდატის ბოლოდროინდელ რეიტინგებს ასახავს. მაგალითისთვის, "Reuters/Ipsos"-ის კვლევის შედეგებით, ცხარე დებატების პირველი რაუნდის შემდეგ რომინი პირველად მოახერხა ამომრჩეველთა სიმპათიის პოზიტიური რეიტინგის გაზრდა. ბარაკ ობამას რეიტინგი 46 პროცენტს შეადგენს, მიტრომის შემთხვევაში მონაცემები ცოტა გაიზარდა და 51 პროცენტს მიაღწია. კითხვაზე, რომელ კანდიდატს მიანიჭებდით უპირატესობას ეკონომიკის მართვის ნდობაში, სამუშაო ადგილების შექმნისა და დეფიციტის პრობლემის მოგვარებაში, რესპუბლიკელთა უმრავლესობამ რესპუბლიკელი მიტრომის დასახელა. რაც შეეხება ბარაკ ობამას შედარებით არაპოპულარულ გამოსვლას, დემოკრატები იმედს არ კარგავენ, რომ 6 ნოემბერს დაგეგმილ საპრეზიდენტო არჩევნებამდე ვითარების გამოსწორებას შეძლებენ და სამისოდ წინასაარჩევნო სტრატეგიასაც გადახედავენ. კანდიდატებს შორის კიდევ ორჯერ უნდა გამართოს ტელე-დებატები.

არტისტარიუმი

“პროტესტი, რომელიც არასდროს მთავრდება”

გუმინ სალამოს, თბილისის ისტორიის მუზეუმში ქარვასლა მეხუთე გაიხსნა ტანამედროვე ხელოვნების საერთაშორისო ფესტივალი არტისტარიუმი. ნელს მისი სლოგანია პროტესტი, რომელიც არასდროს მთავრდება”.

ლონისძიება, რომლის ფარგლებშიც მოეწყობა გამოფენები, გაიმართება პრეზენტაციები და ლექციები, თბილისის სხვადასხვა ადგილას 13 ოქტომბრამდე გასტანს.

“არტისტარიუმი” თანამედროვე ხელოვნების განვითარებასა და საერთაშორისო გამოცდილების ურთიერთგაზიარებას ემსახურება.

5 ოქტომბერი, პარასკევი

საქართველოს ეროვნული მუზეუმი, თბილისის ისტორიის მუზეუმი, სიონის 8,

18:00 - “არტისტარიუმი 2012”-ის გახსნა.

6 ოქტომბერი, შაბათი

ქართული ლიტერატურის სახელმწიფო მუზეუმი, ქანტურიას 8,

12:00 - “Nine Dragon Heads” (სამხრეთ კორეა), საერთაშორისო საგამოფენო პროექტის პრეზენტაცია;

14:00 - გალერეა “Y”-ის პრეზენტაცია, მინსკი, ბელორუსია;

16:00 - “ბანერები და დღიურები”, პოლონურ-ბელორუსული საგამოფენო პროექტი;

18:00 - ვიტალი კომარის საჯარო ლექცია /“კომარი და მელაშიდი”/, აშშ.

7 ოქტომბერი, კვირა

აბრეშუმის სახელმწიფო მუზეუმი, ცაბაძის 6,

14:00 - “ჯვარედინი დამტკერვა”, ლორა სენსონი /აშშ/, “ქართული ტექსტილის ჯგუფი”, “ლურჯი სახლი” /საქართველო/, ერთობლივი პრეზენტაცია-ვორკშოპი;

გალა გალერეა, ათონელის 27, 19:00 - “ცა - 24 საათი”, კოტე სულაბერიძის პერსონალური გამოფენა.

8 ოქტომბერი, ორშაბათი

საქართველოს ეროვნული მუზეუმი, თბილისის ისტორიის მუზეუმი, სიონის 8,

13:00 - “განსხვავებები: ადამიანები პრობლემებით”, Ghana ThinkTank-ის ვორკშოპი;

15:00 - იარო სლეპს, შიპ ჰოპი - ტექსტი/ტემპი, ვორკშოპი, აშშ; თბილისის სახელმწიფო სამხატვრო აკადემია, გრიბოედოვის 22,

14:00 - კენეტ შიუ, ლექცია/მასტერკლასი, დიდი ბრიტანეთი;

17:00 - “სამყურა”, საერთაშორისო საგამოფენო პროექტი, ირლანდია, საქართველო, სომხეთი, პორტუგალია, საბერძნეთი;

საქართველოს პარლამენტის ეროვნული ბიბლიოთეკის საგამოფენო დარბაზი, გუდიაშვილის 7,

19:00 - საშა ჭავჭავაძე, “ტანსაცმელი რევოლუციისთვის”, ლადო ფოჩხუა, “წიგნი ახალი ქართული არისტოკრატისთვის”, აშშ.



9 ოქტომბერი, სამშაბათი

თბილისის სახელმწიფო სამხატვრო აკადემია, გრიბოედოვის 22,

14:00 - ჯონა ფოტიგის და ლორა ლაზერის ლექცია/ვორკშოპი საჯარო ხელოვნების მეთოდოლოგიის შესახებ, აშშ; გოეთეს ინსტიტუტი, ზანდუკელის 16,

17:00 - “ზეზრა”, პოეზიაზე შექმნილი ფილმების ფესტივალის პრეზენტაცია, ტომას ვოლფარტი /გერმანია/; რუსთაველის თეატრი, რუსთაველის გამზირი 17;

20:00 - “სანყისში დაბრუნება”, მარია საფრონოვა /რუსეთი/, ალექსანდრე ჩინჩალაძე /საქართველო/.

10 ოქტომბერი, ოთხშაბათი

ბამბის და რკინის რიგის კუთხე, კინოს მოედანი,

19:00 - “მსხვერპლშენიერვა - სტატიკური დრამა”, გიორგი ჯანიაშვილი, დავით ჯანიაშვილი.

12 ოქტომბერი, პარასკევი

“სვლა”, სარა პელერენ-ოტ, გიომ შოსონ, საფრანგეთი, პერფორმანსი ტექსტით და მუსიკით, ორგანიზებული ფრანგული ინსტიტუტის მიერ, /ადგილი და ზუსტი დრო გამოცხადდება არტისტარიუმის მსვლელობისას/

13 ოქტომბერი, შაბათი

ელიავას ბაზრობის ტერიტორია,

14:00-18:00 - “ალმოჩინე ელიავა: სტრიტვაიზ - ღია სახლი”, ერთდღიანი ფესტივალი, ადგილსპეციფიკური

ინსტალაციები, პრეზენტაციები, აშშ/საქართველო;

15:00 - Ghana ThinkTank, “განსხვავებები: ადამიანები პრობლემებით”, ინტერაქტიული სკულპტურა/პერფორმანსი;

17:00 - შიპ ჰოპი პერფორმანსი, იარო სლეპს/ირაკლი მაღრაძე.



საქართველო მსოფლიო პოეზიის რუკაზე

პირველი გვარდიანს

მოსმენილ ლექსს, ნაკითხულს განსხვავებით, ის ხიბლი აქვს, რომ ავტორი იქნება ეს თუ უბრალოდ, დეკლამატორი, თავისი დამატებითი იმპულსი შეაქვს მასში, თითქოს იმის გამხელა ხდება, რაც ავტორმა სტრიქონებს შორის იგულისხმა. სწორედ ამიტომ, მსოფლიოში ყველაზე დიდი პოეზიის საიტის www.lyrikline.org -ის შემქმნელმა, ბერლინის ლიტერატურული სახელოსნოს ხელმძღვანელმა, ლიტერატურათმცოდნე თომას ვოლფარტმა უპირველეს მიზნად დაისახა მასზე ლექსების აუდიო ვერსიების განთავსება, რომელსაც თავად ავტორი კითხულობს. საიტი მუდმივად ივსება ახალ-ახალი ხმებით და დღეისათვის მასზე 57 ენაზე დაწერილი 822 პოეტის 8 ათასამდე ლექსია წარმოდგენილი, რაც მე-20 საუკუნის დასწყისიდან დღემდე.

პოეზიის საიტის ნავიგაცია გერმანულ, სლოვენურ და არაბულ ენებზეა შესაძლებელი, სულ მალე კი მას ესპანური, პორტუგალიური და ესტონური ენებიც დაემატება. რაც შეეხება ავტორებს და ენებს...

"მიუხედავად იმისა, რომ წიგნი ძალიან გვიყვარს, დაბეჭდილი პოეზია მაინც ნახევარია იმისა, რასაც ლექსი ჰქვია. პოეზია მაშინ ჩანს კარგად, როცა მას ადამიანი კითხულობს, როცა გვესმის მისი ხმა, ტემბრი, ვიბრაცია. მიკითხველს შეუძლია ჩვენს საიტზე წარმოდგენილი ყველა პოეტის ხმის მოსმენა ავტორის მშობლიურ ენაზე, ხოლო იმისათვის, რომ ლექსი ფართო საზოგადოებისათვის გახდეს გასაგები, ვათავსებთ მის თარგმანებსაც. ამის გაკეთება შეუძლებელი იქნებოდა გერმანიიდან, ამისათვის ვთანამშრომლობთ სხვადასხვა ქვეყნების ლიტერატურულ ინსტიტუტებთან, რომლებიც არჩევენ ავტორებს და გვიგზავნიან მათ ლექსებს. ისინივე გვეხმარებიან საავტორო უფლებების მოგვარებაში, უზრუნველყოფენ აუდიო ჩანაწერების პროცედურას და არჩევენ ლიტერატურულ ლანდშაფტს - რა სჯობს, იყოს წარმოდგენილი მათი ქვეყნიდან მსოფლიო პოეზიის



თომას ვოლფარტი

რუკაზე" - ამბობს თომას ვოლფარტი.

საქართველოში პოეზიის საიტის პარტნიორია ლიტერატურის მუზეუმი, რომელიც აწვდის ასევე ლექსების ბნკარედულ თარგმანებს გერმანულ ენაზე, საიტის ადმინისტრაცია კი მათ პოეტურად ხვეწს. ქართველმა მხარემ www.lyrikline.org -თან თანამშრომლობა რამდენიმე წლის წინ დაიწყო. პირველად აიტვირთა ბესიკ ხარანაულის, ზვიად რატიანის, გაგა ნახუცრიშვილისა და რატი ამალაშვილის ლექსები. გუშინ კი, ლიტერატურის მუზეუმში, საზოგადოების თვალწინ

დოქტორმა თომას ვოლფარტმა საიტზე კიდევ რამდენიმე ქართველი პოეტის მათი სარიშვილის, დიანა ამფიმიადის, პაატა შამუგიას და ალექს ჩილვინაძის ხმა დაამატა. იგივე წარმატებით შეგვიძლია განვათავსოთ საიტზე ქართველ კლასიკოსთა ხმები აკაკი წერეთლის "განთიადიდან" დაწყებული, თუკი მათი შესაბამისი თარგმანებზე გვექნება.

პოეზიის საიტის პრინციპი სამ ასპექტს მოიცავს: ნაკითხვა, მოსმენა და გაგება, რაც სხვადასხვა ენებზე თარგმანს გულისხმობს. თარგმანების შესრულება კი ყველას შეუძლია, ნებისმიერ ქვეყანა-

ში, ნებისმიერი მწერლის, ნებისმიერ ენაზე, ვისაც ამის ნიჭი და სურვილი აქვს, რასაც საიტის ადმინისტრაცია სიამოვნებით განათავსებს ავტორის გვერდზე. ამით საიტი განსაკუთრებით მნიშვნელოვანია მცირერიცხოვანი ერების პოეტებისათვის, რადგან სწორედ თარგმანების დახმარებით აწვდიან ისინი ხმას მსოფლიო საზოგადოებას. მაგალითად, სლოვენი პოეტის თომას შალომონის ლექსები საიტზე 20 ენაზე შესრულებული თარგმანითაა წარმოდგენილი, რაც უშუალოდ ამ საიტის მეშვეობით განხორციელდა.

www.lyrikline.org -ი თანამედ-

როვე მსოფლიო პოეზიის ყველაზე დიდ არქივს წარმოადგებს და არაერთი პრიზი აქვს მიღებული, მათ შორის გაერთიანებული ერების ორგანიზაციის, რადგან იგი კულტურათა ინტეგრაციასაც უწყობს ხელს. როგორც თომას ვოლფარტმა აღნიშნა, გერმანია თავის თავს ყოველთვის უწოდებდა მწერლებისა და მოაზროვნეების ქვეყანას, მაგრამ მისი პოეზიის მიმართ მსოფლიო ინტერესი შენედა, მას შემდეგ რაც ბერთოლდ ბრეხტი, გოტფრიდ ბენი და პაულ ცელანი გარდაიცვალნენ, თითქმის აღარაფერი ითარგმნებოდა გერმანულიდან სხვა ენებზე. პოეზიის საიტმა ხელი შეუწყო გერმანული ლიტერატურის გარეთ გატანას, ასევე მისი მეშვეობით მოხდა მსოფლიო პოეზიის ახალი სახელების გერმანულენოვან სივრცეში გამოჩენა. ამ ეტაპზე, როცა ქართული პოეზია ძალიან მცირედ, ანდა თითქმის სულ არაა ცნობილი დანარჩენი მსოფლიოსათვის, პოეზიის საერთაშორისო საიტებზე ქართველი ავტორების განთავსება სასიცოცხლოდ მნიშვნელოვანი საკითხია, ისევე როგორც მისი დახმარებით თანამედროვე მსოფლიო პოეზიის გაცნობა, რომლის შესახებაც ასევე ძალიან მწირი ინფორმაცია გვაქვს. ვფიქრობთ, www.lyrikline.org -ი საქართველოშიც გაააქტიურებს მთარგმნელობით პროცესებს.

დღეს www.lyrikline.org -ის მიხედვით მუშაობენ მსოფლიო ფესტივალები, გამომცემლობები, ლიტერატურის ინსტიტუტები, ენის შემსწავლელი კურსები და სკოლებიც კი, რადგან აქ პოეზიის ორიგინალში მოსმენა და ნაკითხვაა შესაძლებელი. აქ წარმოდგენილია ასევე ვიზუალური პოეზიის ნიმუშები, რომელთა თარგმანი, წესისამებრ, იშვითად კეთდება და საბავშვო ლექსებიც.

სტატისტიკით, საიტს რვა მილიონამდე მომხმარებელი ჰყავს, რომელთა უმრავლესობა ნაშუადღევს სტუმრობს, დაახლოებით ლანჩის დროს, და სტუმრებს შორის, მე-10 ადგილას არაბული ქვეყნები დგას თურმე. ჩანს, პოეზია აღმოსავლეთში კვლავაც არ კარგავს ხიბლს.

საერთაშორისო კონფერენცია კულტურული მემკვიდრეობის დაცვის შესახებ

2012 წლის 8 ოქტომბერს 10:00 საათზე საქართველოს ეროვნული მუზეუმის აუდიტორიაში გაიმართება მუზეუმის უსაფრთხოების საერთაშორისო კომიტეტის (ICMS) 37-ე საერთაშორისო კონფერენციის შესაძლო საფრთხე საგანძურისთვის და მისი ევაკუაცია საგანგებო სიტუაციებისა და სტიქიური მოვლენების დროს" გახსნა.

2012 წლის 8-12 ოქტომბერს საქართველოს ეროვნული მუზეუმი თბილისში (საქართველო) მასპინძლობს UNESCO-ს სისტემაში შემავალი, მუზეუმის უსაფრთხოების საერთაშორისო კომიტეტის (ICMS) ყოველწლიურ კონფერენციას - შესაძლო საფრთხე საგანძურისთვის და მისი ევაკუაცია საგანგებო სიტუაციებისა და სტიქიური მოვლენების დროს".

კონფერენციის მიზანია წარმოადგინოს მსოფლიოს წარმატებული

ნიმუშები და ისეთი მუზეუმების უსაფრთხოების სისტემების თანამედროვე ტექნოლოგიები, როგორებიცაა ბერლინის მუზეუმის კუნძული, პრადის ეროვნული გალერეა, ჩინეთის მუზეუმი და სხვა.

კონფერენციაში მონაწილეობენ ევროპის, აზიის, აფრიკისა და ჩრდილოეთ ამერიკის მუზეუმების უსაფრთხოების განყოფილების დირექტორები, წამყვანი მუზეუმებისა და სხვა დაწესებულებების მენეჯერები და უსაფრთხოების სისტემაში ფართოდ აღიარებული სპეციალისტები. ფორუმის მთავარი თემაა: მუზეუმების ძირითადი უსაფრთხოების სისტემები, კოლექციების ევაკუაცია, თანამშრომლებისა და კოლექციების უსაფრთხოება.

კონფერენციის ორგანიზატორები არიან მუზეუმის უსაფრთხოების საერთაშორისო კომიტეტი (ICMS), საქართველოს ეროვნული მუზეუმი



და ICOM-ის ეროვნული კომიტეტი საქართველოში.

იკომოს საქართველო არის არასამთავრობო ორგანიზაცია რომელიც მიზნად ისახავს მემკვიდრეობის რესურსის კონსერვაციას. ის დაარსდა 1993 წელს როგორც ძეგლებისა და ღირსშესანიშნაობათა საერთაშორისო საბჭოს ეროვნული კავშირი. იკომოს საქართველოს მისიაა ეროვნულ დონეზე გაავრცელოს და დაამკვიდროს კონსერვაციის საერთაშორისო სტანდარტები. ამ მიზნით, იკომოს საქართველოში ფუნქციონირებს თემატური სექციები (ხალხური არქიტექტურა, ისტორიული დასახლებები, კულტურული ტურიზმი, სარესტავრაციო მეთოდოლოგია) და აგრეთვე ხორციელდება არაერთი პილოტური პროექტი, რომელშიც პრაქტიკულად გამოიყენება საერთაშორისოდ აღიარებული საკონსერვაციო მეთოდოლოგია.



სსიპ კონსტიტუციონალიზმის კვლევისა და ხელშეწყობის რეგიონალური ცენტრი

პირველი რეგიონალური ორგანიზაცია კონსტიტუციონალიზმის სფეროში ხელმძღვანელი ავთანდილ დემეტრაშვილი

„კონსტიტუციონალიზმის ბაკვეთილები“

წაიკითხე → შეიხვეწე → დაიმახსოვრე

ყოველკვირეული რუბრიკა

უძღვება კონსტიტუციონალიზმის კვლევისა და ხელშეწყობის რეგიონალური ცენტრის ხელმძღვანელი ავთანდილ დემეტრაშვილი

მუხლი 75

1. საქართველოს პრეზიდენტი ხელშეუვალია. თანამდებობაზე ყოფნის დროს არ შეიძლება მისი დაპატიმრება ან სისხლის სამართლის პასუხისმგებლობაში მიყვება.

2. პრეზიდენტის მიერ კონსტიტუციის დარღვევის, სახელმწიფო ღალატისა და სისხლის სამართლის სხვა დანაშაულის ჩადენის შემთხვევაში პარლამენტს კონსტიტუციის 63-ე მუხლითა და ორგანული კანონით დადგენილი წესით შეუძლია თანამდებობიდან გადააყენოს პრეზიდენტი, თუ:

ა) კონსტიტუციის დარღვევა დადასტურებულია საკონსტიტუციო სასამართლოს გადაწყვეტილებით;

ბ) სახელმწიფო ღალატისა და სისხლის სამართლის სხვა დანაშაულის შემადგენლობის ნიშნები დადასტურებულია უზენაესი სასამართლოს დასკვნით.

პრეზიდენტი, როგორც საქართველოს სახელმწიფოს მეთაური და უმაღლესი პოლიტიკური თანამდებობის პირი სარგებლობს ხელშეუხებლობით (იმუნიტეტით), რაც უზრუნველყოფს მის დამოუკიდებლობას. თუმცა დასაშვებია პრეზიდენტის თანამდებობიდან გადაყენება მხოლოდ პარლამენტის მიერ კონსტიტუციის დარღვევის, სახელმწიფო ღალატისა და სისხლის სამართლის სხვა დანაშაულის ჩადენის შემთხვევაში.

იმპიჩმენტის წესით საქართველოს პრეზიდენტის თანამდებობიდან გადაყენების საკითხის აღძვრის უფლება აქვს საქართველოს პარლამენტის სრული შემადგენლობის არანაკლებ ერთ მესამედს. საკითხი დასკვნისათვის გადაეცემა უზენაეს სასამართლოს ან საკონსტიტუციო სასამართლოს.

იმპიჩმენტის პროცედურით გათვალისწინებულ დასკვნას პარლამენტისათვის გადასაცემად აზრად უზენაესი სასამართლოს პლენუმში, რომლის შემადგენლობაშიც არიან სასამართლოს ხელმძღვანელები (თავმჯდომარე და მისი მოადგილეები), უზენაესი სასამართლოს ყველა სხვა წევრი, თბილისისა და ქუთაისის სააპელაციო სასამართლოების თავმჯდომარეები. საქართველოს პრეზიდენტის მიერ საქართველოს კონსტიტუციის დარღვევის საკითხს განიხილავს და წევრებს საკონსტიტუციო სასამართლოს პლენუმში, რომელიც შედგება საკონსტიტუციო სასამართლოს ცხრავე წევრისაგან, ხოლო სხდომებს უძღვება საკონსტიტუციო სასამართლოს თავმჯდომარე.

თუ უზენაესმა სასამართლომ თავისი დასკვნით დაადასტურა პრეზიდენტის ქმედებაში დანაშაულის ნიშნების არსებობა, ან საკონსტიტუციო სასამართლომ - კონსტიტუციის დარღვევა დასკვნის განხილვის შემდეგ პარლამენტი სრული შემადგენლობის უმრავლესობით იღებს გადაწყვეტილებას, რომ კენჭისყრაზე დაისვას იმპიჩმენტის წესით თანამდებობიდან პრეზიდენტის გადაყენების საკითხი. პრეზიდენტი იმპიჩმენტის წესით თანამდებობიდან გადაყენებულად ჩაითვლება, თუ ამ გადაწყვეტილებას მხარი დაუჭირა პარლამენტის სრული შემადგენლობის არანაკლებ ორმა მესამედმა. თუ პლენარულ სხდომაზე საკითხის განხილვის დაწყების დღიდან 30 დღის ვადაში პარლამენტმა არ მიიღო გადაწყვეტილება, საკითხი მოხსნილად ითვლება და მომდევნო 1 წლის განმავლობაში დაუშვებელია პრეზიდენტისთვის იმავე ბრალდების წარდგენა.

დაუშვებელია პრეზიდენტისთვის წარდგენილი ბრალდების პარლამენტში განხილვა და გადაწყვეტილების მიღება საგანგებო და საომარი მდგომარეობის, ან ომის დროს. გარდა ამისა დაუშვებელია იმპიჩმენტის წესით პრეზიდენტის თანამდებობიდან გადაყენების საკითხის აღძვრა საქართველოს მთავრობის ფორმირების პროცესის დაწყებიდან აღნიშნული პროცესის დასრულებამდე.

ვერიკო ლატარია
კონსტიტუციონალიზმის კვლევისა და ხელშეწყობის რეგიონალური ცენტრის სამოქალაქო განათლებისა და საზოგადოებასთან ურთიერთობის დეპარტამენტის წამყვანი სპეციალისტი

მუხლი 76

1. საქართველოს პრეზიდენტის მიერ თავისი უფლებამოსილების განხორციელების შეუძლებლობის ან საქართველოს პრეზიდენტის უფლებამოსილების ვადამდე შეწყვეტის შემთხვევაში საქართველოს პრეზიდენტის მოვალეობას ასრულებს პარლამენტის თავმჯდომარე, ხოლო პარლამენტის თავმჯდომარის მიერ საქართველოს პრეზიდენტის მოვალეობის განხორციელების შეუძლებლობის შემთხვევაში, აგრეთვე თუ პარლამენტი დათხოვნილია, საქართველოს პრეზიდენტის მოვალეობას ასრულებს პრემიერ-მინისტრი. პარლამენტის თავმჯდომარის მიერ საქართველოს პრეზიდენტის მოვალეობის შესრულების პერიოდში პარლამენტის თავმჯდომარის მოვალეობას, პარლამენტის თავმჯდომარის დავალებით ასრულებს პარლამენტის თავმჯდომარის ერთ-ერთი მოადგილე. პრემიერ-მინისტრის მიერ საქართველოს პრეზიდენტის მოვალეობის შესრულების პერიოდში პრემიერ-მინისტრის მოვალეობას ასრულებს პირველი ვიცე-პრემიერის უფლებამოსილების მქონე მთავრობის წევრი.

2. პრეზიდენტის მოვალეობის შემსრულებელი უფლებამოსილი არ არის გამოიყენოს 73-ე მუხლის პირველი პუნქტის „გ“ და „ი“ პუნქტით და 74-ე მუხლი პირველი პუნქტით გათვალისწინებული უფლებები, აგრეთვე დაითხოვოს პარლამენტი.

3. პრეზიდენტის არჩევნები ტარდება პრეზიდენტის უფლებამოსილების შეწყვეტის ფროიდან 45 დღის განმავლობაში და მის ჩატარებას უზრუნველყოფს პარლამენტი.

საქართველოს პრეზიდენტის მიერ თავისი უფლებამოსილების განხორციელების შეუძლებლობის შემთხვევაში, რაც იწვევს პრეზიდენტის უფლებამოსილების ვადამდე შეწყვეტას მის მოვალეობას ასრულებენ ამ მუხლში ჩამოთვლილი პირები. ამგვარი წესი ხელს უწყობს სახელმწიფო ხელისუფლების შეუფერხებელ ფუნქციონირებას. საქართველოს პრეზიდენტის მიერ უფლებამოსილების განხორციელების შეუძლებლობის ფაქტი, როგორც წესი, დასტურდება პრეზიდენტის შესაბამისი განკარგულების გამოცემით ან პრეზიდენტის მიერ შესაბამისი საჯარო განცხადების გაკეთებით. თუ პრეზიდენტი მოკლებულია უნარს ან შესაძლებლობას, გამოსცეს სამართლებრივი აქტი ან გააკეთოს საჯარო განცხადება მაგალითად, პრეზიდენტის ადგილსამყოფელი უცნობია, პრეზიდენტი კომაში იმყოფება და ა.შ. ამ შემთხვევაში საქართველოს კანონმდებლობა უშუალოდ არ არეგულირებს საქართველოს პრეზიდენტის მიერ უფლებამოსილების განხორციელების შეუძლებლობის ფაქტის დადასტურების პროცედურას. მაგრამ გადაწყვეტილებას პრეზიდენტის მიერ უფლებამოსილების განხორციელების შეუძლებლობის მდგომარეობის არსებობის თაობაზე საკუთარი პასუხისმგებლობით იღებს შესაბამისად პარლამენტის თავმჯდომარე ან პრემიერ-მინისტრი.

პარლამენტის თავმჯდომარის მიერ საქართველოს პრეზიდენტის მოვალეობის შესრულების შემთხვევაში, ამ პერიოდში პარლამენტის თავმჯდომარის მოვალეობის შესრულებას იგი ბრძანებით ავალებს ერთ-ერთ მოადგილეს, რასაც პარლამენტი ადასტურებს დადგენილებით. პრეზიდენტის მოვალეობის შემსრულებელი უფლებამოსილი არ არის განხორციელოს პრეზიდენტის შემდეგი უფლებამოსილებები:

ა) დაითხოვოს პარლამენტი; ბ) გადააყენოს მთავრობა; გ) თანამდებობიდან გაანთავისუფლოს საქართველოს თავდაცვისა და შინაგან საქმეთა მინისტრები; დ) შეაჩეროს თვითმმართველობის ან ტერიტორიული ერთეულების სხვა წარმომადგენლობითი ორგანოების საქმიანობა ან დაითხოვოს ისინი. აგრეთვე დანიშნოს რეგერენდუმი. პრეზიდენტის უფლებამოსილების შეწყვეტის დროიდან 45 დღის განმავლობაში პარლამენტი ვალდებულია უზრუნველყოს საპრეზიდენტო არჩევნების ჩატარება.

ააკვი კუხალიაშვილი
კონსტიტუციონალიზმის კვლევისა და ხელშეწყობის რეგიონალური ცენტრი, საერთაშორისო ურთიერთობებისა და სამეცნიერო კვლევების დეპარტამენტის სპეციალისტი

შენგელია და ტელეტოვიჩი

პირველი გვარდია

“ნეთსმა” დაიტოვა დერონ უილიამსი და დერონთან ორი ევროპელი ირბენს. თოკო რეალური ძალაა. ამერიკელებისთვის. ჩვენთვის. ყველასთვის. “ბრუკლინის” საიტზე საინტერესო მასალა დადეს. ჩვენი ბიჭი და ტელეტოვიჩი იმ მასალაში სოლირებენ.

შენგელია ნაკრებში მეოთხე ნომერია და “ბრუკლინის” მთავარი მწვრთნელი, მისტერ ეივერი ჯონსონი თოკოში მსუბუქ ფორვარდს ხედავს. ჩვენი ბიჭი უმატებს, მაგრამ ჯონსონი ჯერ არ ავლებს პარალელურებს ედი მერფის კლასიკასთან Coming to America. იქ მერფის პერსონაჟს კიკინას აჭრიან და 10 დოლარს ახევენ. იქ მერფის პერსონაჟი ნაღდი ამერიკელივით, “ზანგურ” ტანსაცმელს ატარებს. იქ მერფის პერსონაჟი ბოლომდე მიდის და ამერიკულ აისბერგში სითბოს პოულობს. ის მერფის პერსონაჟი ჯონსონისთვის თოკოა და ეივერი ყველაფერს სწრაფად ითვისებს, მაგარი ბიჭიაო, თქვა.

ჯონსონი: “თოკო დაცვაში მაგრად დგას. არ აინტერესებს ვის იჭერს, რამდენი სეზონი აქვს იმ ტიპს ლიგაში ჩატარებული და რა კონტრაქტზე ზის. შენგელია ასრულებს მწვრთნელის დავალებას და ამას ლტოლვით, მაგრად აკეთებს.



თორნიკე შენგელია (20) “ბრუკლინის” ვარჯიშზე

უკან არ იხევს და ეს უკვე მომწონს. ბიჭს ბევრ შანსს მივცემთ და გავხსნით. თოკო უკვე კარგად თამაშობს და უკეთ უნდა ითამაშოს.”

მაგარი სიტყვებია. ეივერი ჯონსონიც მაგარი კაცია. გრეგ პოპოვიჩის სკოლაში ჯონსონი ფრიადოსანი, სანიმუშო მოსწავლე იყო. არ ავიანებდა გაკვეთილებზე, გრეგს ყურადღებით უსმენდა და “სან ანტონიოსთან” ერთად ჩემპიონი (1999) გახდა. იმ სუპერფინალში, “ნიუ იორკთან” პოპოვიჩის მკვლელებმა “ნიქსი” 4:1 დაშალეს და ბოლო თამაშის ბოლო სროლა ჯონსონმა ხია. “ნიქ-

სი” 77:76 იგებს და “სან ანტონიოს” ცოტა წამი რჩება. ჯონსონმა კუთხიდან გაუშვა ბურთი, ჩასვა და ის გარჩევა 78:77 დაიხურა.

თორნიკე უნივერსალია. იდგება მესამე ნომერზე და სხვა მსუბუქ ფორვარდებს სიმალლით გადაუჯოკრავს. ავა მეოთხეზე და მძიმე ტირანოზავრებს სისწრაფით დაადგებს, რამსებს აურევს. შენგელიამ საქართველოს ნაკრებთან ერთად მოუმატა და თორნიკეში დიდი პოტენციალი, ნიჭი, პროგრესის სურვილია. ჯონსონი ამას ხედავს.

თორნიკე შენგელია: “განსაკუთ-

რებულ გუნდში ვარ. დერონი (უილიამსი), ჯო (ჯონსონი) ლიდერები, უფროსი მეგობრები არიან. ბევრი მაქვს ასათვისებელი და პროცესი საინტერესოდ დაიწყო. ბიჭებთან ერთად ვერთობი, თავს კარგად ვგრძნობ. თუ ვარჯიშზე გაუპარსავი მივდივარ, ავინყვებათ, რომ პირველნი იყავით. “ბრუკლინის” კარგი სეზონი ექნება. იმედი მაქვს, მეც ნორმალურად ვითამაშებ.”

თორნიკე ევროპაში უკვე ნორმალურ დროს იღებდა და “ბრუკლინის” მწვრთნელებმა ფორვარდი ეგრევე აიყვანეს. ეგრევე, საზაფხულო ლი-

გაზე კარგი თამაშის შემდეგ. იქ შენგელია სტაბილურად, აგრესიულად აკეთებდა საქმეს. ეივერი ჯონსონი შენგელიას “იუტას” ყოფილ ფორვარდს, შენდონ ანდერსონს ადარებს. ანდერსონი თავისი გენერაციის ერთ-ერთი საუკეთესო პერსონალური დამცველი და უნივერსალი იყო. თოკოს აქვს ანდერსონის დაცვა და მეოთხე ნომრის მოძრაობები და ბიჭი ყველაფერს სწრაფად, ელეგანტურად აკეთებს.

ტელეტოვიჩის პრობლემები ჰქონდა. ბოსნიელი ბოსნიის ნაკრებში ვარსკვლავია. ტელეტოვიჩი იქ ბევრს ისვრის და ბევრს აგდება. ამერიკაში სხვა, უფრო ფიზიკური, მძიმე და ათლეტური დაცვის წინააღმდეგ თამაში უნდა ისწავლოს. მირზა ამერიკაში მესამეზე იდგება და ფორვარდი მოუმატებს.

“ბრუკლინში” ორი ახალი, საინტერესო პერსონაჟია. ქართველი თორნიკე შენგელია და ბოსნიელი მირზა ტელეტოვიჩი. 20 წლის თოკო ყველაფერს სწრაფად ითვისებს, ასაკს ინტელექტით უსწრებს, ძალიან საინტერესოა. ტელეტოვიჩი იცვლება და ევრობასკეტის ვარსკვლავი ახალ გუნდში ახალ კალათბურთს ეჩვენებს. “ბრუკლინმა” ორი საჭირო მოთამაშე დაიმატა. ეივერი ჯონსონს გაუმართლა.

ალბათ, თორნიკესაც. მირზასთან ერთად.

ყვავის ტუჩი რუსული ბრუკლინიდან

ზურაბ თალაკვაძე

მიხაილ პროხოროვი კარგი მენეჯერია. ჯო ჯონსონი ასრულებს. “ბრუკლინში” თოკო შენგელია თავის დროს მიიღებს. ახალ ბენდში მირზა ტელეტოვიჩმა რვა ან მეტი მეტრიდან ორი ან სამი სამიანი უნდა ხიოს. “ნეთსის” სამწამიანთან ჯერალდ უოლასი იდგება და ფიქსატორის ნკაპით ცუდ ბიჭებს თავაზიანად საუბარს ასწავლის. უოლასი პროხოროვის დენი ტრეხია. რუსმა რეპის და კრიმინალების უბანში ჩაფსკენილი, ჭკვიანი, ძალიან სერიოზული ფლეიმეიქერი მიიყვანა. შარშან მიიყვანა და შარშან “ბრუკლინი” “ნიუ ჯერსი” იყო. ის გუნდი იმ ჯიუტი მასტის ფეხებით, მუხლებით, თითებით და ინტელექტით იგებდა. ბევრს ვერ იგებდა და რეგულარული 22 მოგებით, 44 ვერმოგებით და ბევრი ცუდი მოგონებით დახურა. ის ფლეიმეიქერი დერონ უილიამსია და დერონის პროგრესით “ბრუკლინი” აქაჩავს.

MVP სხვა ტერიტორია და თეთრი მგლები ნაკრძალია. თეთრი მგელია კევინ ლავი. ნაკრძალში გულაობის უფლება აქვთ ლებრონს, კობის, დუეინს, დუიტს და თუ კარგად მოიქცევა, შერ დირკს. ადრე იქ ტიმი და კევინიც სეირნობდნენ და პატარა მგელუკებთან ერთად პოპკორნზე იჯდნენ, პეპსის წრუპავდნენ. დღეს იმ ტერიტორიაზე ორი პატარა კაცი ისეირნებს. კრის პოლი კალიფორნიიდან, “კლიპერსის” ბენდში და დერონ უილიამსი პროხოროვის საარჩევნო კომისიისდან. რუსმა მიშამ დერონი მაჟორიტარად გაიყვანა და მისტერ უილიამსმა უნდა აკრიფოს. უილიამსი შარშან კარგი იყო. ახალ, უკეთეს, შეცვლილ გუნდში დერონიც ახალი და უკეთესი იქნება. ყველა ვარიანტი უნდა იყოს.

დერონი შარშან - 21.0 ქულა, 8.7 პასი, 3.3 მოხსნა, 1.1 ჩაჭრა. ქულებს მოაქვს, კარგია. პასების ამბავში დერონს ამაზე ნაკლები დაიმი (4.5) მხოლოდ პირველ (2005/06) რეგულარულში ჰქონდა. ის დერონი პატარა ბიჭი იყო და უბანში, კარგი ბი-


ჭებისგან კარგი კალათბურთის თამაშს ამულამებდა. უილიამსმა მოუმატა და “იუტამ” ჯონ სტოქტონი შეცვალა. ნუ, რაღაც ამბავში ბოლომდე ვერ შეცვალა და დერონმა ანდრე კირილენკოსთან, კარლოს ბუზერთან ერთად ახალი ჯაზი დაუკრა. ჯაზი მაგარი იმპროვიზაციით და არითმიით. ჯაზი ჯაზის გურმანებისთვის, ბუთხუზა პიანისტებისთვის, ვისკიში ჩანოლილი გიტარისტებისთვის და კალათბურთზე შემეჯდარი ნარკომანებისთვის. ერთი დოზა საკმარისი არ იყო

უილიამსი ბევრს ისროდა, ინერციით შედიოდა სამწამიანში და ბევრ არასასროლს ისროდა. დერონი ბოსი იყო და რეგულარულს პროცესში, ბოსი დაიღალა, ბევრი საქმე გააფუჭა და უბანში დაიწყეს ქორაობა, დერონი მოლბა, თავისი ველარ გააქვს და პატივისცემის ამბავშიც ველარო...

უილიამსმა თამაშიდან სროლების 40.7 % ჩასვა. ცუდია. დერონისთვის ცუდია.

და ორგანიზმი მეტს ითხოვდა. თვალეში სულ დერონი იყო. დერონით სხეული ემევა და სიმშვიდე, სითბო მოაქვს. უილიამსმა დევიდ სტერნის ლიგაში გეტო გაშალა. თავისი, პერსონალური, უხეში და დერონის დოზაზე შემედვარი გეტო. იმ გეტოდან დერონი პროხოროვი “ნეთსში” წაიყვანა, რუსი გოგოები დაუდაქალა და ნითელ ხიზილალაზე შესვა. დერონს გოგოები მოენონა, ხიზილალა - ისე რა და უილიამსმა “ნეთსს” მომავალი გადაუშალა. იმ მომავალში დერონი ყვავის ტუჩი იყო და ჩანდა. თუ პროხოროვი დუაიტ ჰოვარდს დაკერავდა და პროვინციულ სამოთხეში გაასეირნებდა, უილიამსი მაგარი ცენტრით ლებრონს პრობლემებს შეუქმნიდა. ჰოვარდი და უილიამსი ამ გენერაციის მეჯიქი და ქარიშია. ჰოვარდი “ლეიკერსში” მიდის და პროხოროვი დერონს ჯონსონი უყიდა. კრის ჰამფრიზს კონტრაქტი შეუნარჩუნა, ჯერალდ უოლასს საბანკო ანგარიშზე მაგარი კუში დაუსვა და ბრუკ ლოპეს დიმა ბილანის ავტოგრაფი აჩუქა. სამახსოვროდ, ბილანისგან ლოპესს. ბრუკი დააჯერეს, რომ ბილანი რუსების ელტონ ჯონია. ჯორჯ მაიკლის და ოფიციალური (მამაკაცი) მეუღლის გარეშე. სოლიდური თემაა. და უილიამსიც სოლიდური იქნება.

“ბრუკლინმა” ამ დერონთან ერთად უნდა მოუმატოს. შარშან



“ბრუკლინის” ბოსი დერონ უილიამსი

“ნეთსის” მთავარი მწვრთნელი ეივერი ჯონსონი დერონს კარგ, მონესრიგებულ გუნდს აჩუქებს. გუნდს, რომელიც უდერონოდ არ გაიქცევა და გუნდს, სადაც დერონი რეი ჩარლზი იქნება. Hit the road Jack and don't you come for more...

უილიამსმა უნდა მოიგოს და “ბრუკლინი” აღმოსავლეთში “მაიამის” დადღის. პროცესში, დერონი ჰარმონიკაზე წაუსლოლებს და პროხოროვი რეის კლასიკაზე შეჯდება. ამ “ბრუკლინში” დერონი ბევრისგან ბევრს მიიღებს.

კიტ ბოგანსმა “ჩიკაგოდან” 5.1 ქულა, სადისტური დაცვა და მაიკლ ჯორდანის რამდენიმე დივიდი წამოიღო. სასადილოში, ჩიზბურგერის ათვისების დროს ჩაუჯდება მაიკლს. მარშონ ბრუქსიც კარგი ბიჭია. ამბობენ, რომ კალათბურთის აზრზეა და ზედმეტი არ იქნება.

ჯომ ჩილდრესი “ატლანტაში” კალათბურთს თამაშობდა, საბერძნეთში ბერძნებს (“ოლიმპიკოსს”) წენავდა და ამერიკაში დასასვენებლად დაბრუნდა. უნდა წამოიღოს.

რეჯი ევანსი “კლიპერსში” ბლეიქ გრიფის და დენადრე ჯორდანს თემოებს უმსასაყებს და 4-5 მოხსნას იღებს. რეჯი იგვეს “ბრუკლინში” გააკეთებს. კარგი მასაჟი და რამდენიმე მოხსნა რამდენიმე მილიონი დოლარი ღირს. კრის ჰამფრიზმა შარშან 13.8 ქულა, 11.0 მოხსნა დაიტოვა. დაკარგა ორი კბილი, დაღენა ორი “პორშე”, დაკერა ორი მოცეკვავე გოგონა და მაგარი გაერთო. ჰამფრიზი “ბრუკლინის” კევინ ლავია. სამიანის და ლავის გარეშე.

სი ჯეი უოთსონმა “ჩიკაგოში” დერიკ როუზის დრო მიიღო. დერიკი შეკერეს და უოთსონი “ბულზის” პირველ ხუთეულში იდგა. ახალ გუნდში ცომ ტიბოდოს დაცვა წამოვა. სი ჯეი - დი ჯეი. დერონიც დაისვენებს.

ანდრე ბლატჩე შარშანწინ 16.8 ქულას და 8.2 მოხსნას იღებს. ეს

“ვამინგტონში” ხდებოდა. ანდრე ბლატჩე (ახალი კონტრაქტით) შარშან 8.5 ქულას და 5.8 მოხსნას იღებს. ისე “ვამინგტონში”. ობამას ტერასიდან ბლატჩე გამოაგდეს, “ნადი შენი” ბევრჯერ დაუმარცვლეს და კალათბურთის ლომბარდში ჩააბარეს. ბლატჩე პროხოროვი წამოიყვანა. თუ ითამაშებს, მიშა ანდრეის პირად დაცვაში დააყენებს.

ჯერი სტექჰაუზმა ლიგაში რამდენიმე სადოქტორო დაიცვა. რამდენიმე სადოქტორო ჰაშიშთან მეგობრობის გამო დაკარგა. რამდენიმე სადოქტორო დასაცავი აქვს. ჯერი კარგი ბიჭია. პროხოროვი, დერონმა და მისტერ ჯონსონმა სტექჰაუზისგან 16 227 (17.4) ქულა, 3 205 (3.4) პასი და 958 ზუსტი სამიანი მიიღეს. სტექჰაუზი საჭირო ბიძაა.

დანარჩენებში პატარა ბიჭები, პირველნი პერსონები და ჯონსონები, უოლასები, ლოპესები ზიან. დერონი გაერთობა და ეს “ბრუკლინი” ბევრს მოიგებს. უნდა მოიგოს.

ალბათ, მიხაილ პროხოროვი კარგი მენეჯერია. ალბათ, ჯო ჯონსონი შეასრულებს. ალბათ, “ბრუკლინი” თოკო შენგელია თავის დროს მიიღებს. ალბათ, ახალ ბენდში მირზა ტელეტოვიჩმა რვა ან მეტი მეტრიდან ერთ თამაშში ორი ან სამი სამიანი უნდა ხიოს. ალბათ, “ნეთსის” სამწამიანთან ჯერალდ უოლასი იდგება და ფიქსატორის ნკაპით ცუდ ბიჭებს თავაზიანად საუბარს ასწავლის. უოლასი პროხოროვის დენი ტრეხია. რუსმა რეპის და კრიმინალების უბანში ჩაფსკენილი, ჭკვიანი, ძალიან სერიოზული ფლეიმეიქერი მიიყვანა. შარშან მიიყვანა და შარშან “ბრუკლინი” “ნიუ ჯერსი” იყო. ის გუნდი იმ ჯიუტი მასტის ფეხებით, მუხლებით, თითებით და ინტელექტით იგებდა. ბევრს ვერ იგებდა და რეგულარული 22 მოგებით, 44 ვერმოგებით და ბევრი ცუდი მოგონებით დახურა. ის ფლეიმეიქერი დერონ უილიამსია და დერონის პროგრესით “ბრუკლინი” აქაჩავს.

ლიგის ნაკრძალში ახალი მგელი შევიდა. ჯერ სიტუაციას აკვირდება და მალე ნაკრძალს ჩაიბარებს.

ბექა ბურჯანაძე: "ეროვნულ ნაკრებში მოსახვედრად ყველაფერს გავაკეთებ"

პირველი გვარდნიანი

- შენთვის გამოკვეთილი პოზიცია რომელია?

- ვარჯიშებზე უფრო ხშირად მძიმე ფორვარდად მიწევს თამაში, თუმცა მწვრთნელი მსუბუქი ფორვარდის პოზიციაზეც მამწესებს. ჩემთვის ორივე ადგილზე თამაში კომფორტულია. სამქულიანების სროლა ისედაც მიყვარს, ფარქვეშ ძალისმიერ ორთაბრძოლებში ჩაბმასაც არ ვერიდები.

- აქამდე ძირითადად "კახასოლის" ასაკობრივ გუნდებში თამაშობდი. აღნიშნული ახლაც მოგიწევს?

- არა, ახლა მხოლოდ დიდ გუნდში ვარ დაკავებული. კლუბთან სამწლიანი, პროფესიონალური კონტრაქტი გავაფორმე.

- ძირითად გუნდში რამდენჯერმე გასულ წლებშიც გამოჩნდი...

- კი, მაგრამ ეს ძალიან იშვიათად ხდებოდა. მაშინ უფრო ვარჯიშით ვიყავი დაკავებული და სულ რამდენიმეჯერ მომიწია "კახასოლის" მაისურით მოედანზე გასვლა.

- "კახასოლმა" პირველ ტურში შინ "მურსიასთან" წააგო. ამ სეზონში თქვენი გუნდის მიზანი რა იქნება?

- პირველი მატჩი იყო და ალბათ ამის ბრალია, რომ დავმარცხდი.



"კახასოლს" მთელს პრიმერადივიზიონში ყველაზე ახალგაზრდული შემადგენლობა ჰყავს. კიდევ უფრო შევთამაშდებით და მჯერა, რომ სეზონს ღირსეულად ჩავატარებთ.

- გასულ ზაფხულში საქართველოს 2 ასაკობრივ ნაკრებში ითამაშე...

- 20-წლამდელებში თამაშით უდიდესი გამოცდილება მივიღე. ძალიან მიხარია, რომ 18-წლამდელებთან ერთად უფროსი ასაკის ნაკრებში თამაშის შესაძლებლობაც მომეცა. A და B დივიზიონებს შორის ძალიან დიდი განსხვავებაა. ელიტარულ დივიზიონში თამაშით დიდი გამოცდილება მივიღე, რომელიც ჩემი პროფესიული ზრდისთვის ძალიან მნიშვნელოვანი იყო.

- საქართველოს ეროვნულ ნაკრებში 20-წლამდელთაგან 5 კალათბურთელი გამოიძახეს. ხომ არ თვლი, რომ გამოიძახებას შენც იმსახურებ?

- სიმართლე გითხრათ, არ ვიცი. შესაძლოა, ჯერ არ ვარ მზად, მაგრამ მთელი სეზონი წინ მაქვს. ესპანეთში ლიგის ერთ-ერთ საუკეთესო მწვრთნელი მავარჯიშებს და იმედი მაქვს, როგორც კალათბურთელი, კიდევ უფრო დავიხვეწები. ეროვნულ ნაკრებში თამაში ჩემი ოცნებაა და მასში მოსახვედრად ყველაფერს გავაკეთებ.

<http://www.gbf.ge/>

მოურიჩიო: "ელ კლასიკო" სამყარო ჩირღება"

"ელ კლასიკო" დიდი ხანია ბრენდია. "ბარსელონა" VS "რეალი" გაყიდვადი პროდუქტია. მთლიანად პრიმერა დივიზიონია გაყიდვადი. ამიტომაცაა, რომ 7 ოქტომბერს "კამპ ნოუზე" დატრიალებულ მოვლენებს ასე მოუთმენლად რომ ელის საფეხბურთო სამყარო. ახლახანს გახსნილი დამოუკიდებელი 24-საათიანი ამერიკული ტელემაუნსჯებლობა beIN Sport პირველი ექსკლუზივისთვის ემზადება და საკუთარ ვებ-გვერდზე "რეალის" პორტუგალიელ დამრიგებელ ჟოზე მოურიჩიოსთან ინტერვიუს აქვეყნებს. ინტერვიუ კი ერთგვარი პრევიუა 7 ოქტომბრის ლეგენდარული საფეხბურთო დაპირისპირებისა, რომელიც თავის მხრივ ესპანეთის ჩემპიონატის მეშვიდე ტურის ჩარჩოებშია მოქცეული.

ახალბედა ამერიკული ტელეარხისთვის მიცემულ ინტერვიუმდე მოურიჩიო Goal.com-ს ესაუბრა. მასაც ვეცნობით.

"სამეფო კლუბის" პორტუგალიელი დამრიგებელი დარწმუნებულია, რომ "ელ კლასიკო" მსოფლიო მასშტაბის არაორდინალური მოვლენაა.

კატალონიელები მადრიდელებს სატურნირო ცხრილში მთელი რვა ქულით უსწრებენ, რაც იმას ნიშნავს, რომ "რეალისთვის" საბედისწერო იქნება ქულების დაკარგვა.

"როდესაც "მადრიდი" ეთამაშება "ბარსელონას", სამყარო ჩერდება, - თავისებურად აფასებს მოურიჩიო სამკვდრო-სასიცოცხლოდ მოკიდებული გუნდების მომავალ შეხვედრას. - ესაა თამაში, რომელსაც ვალდებულნი ვართ ვადასრულოთ. ეს ბევრად მეტია, ვიდრე უბრალოდ მატჩი".

მოურიჩიო "ელ კლასიკოზე" აღმატებულად საუბრისას იმასაც გვახსენებს, რომ "ბარსე" გამარჯვება იმდენივე ქულას იძლევა, რამდენსაც სხვა მეტოქეებზე მოგება.

"არ უნდა დაგვავიწყდეს, რომ ჩვენი მიზანი ჩემპიონობაა. და მა-



ინც, აქ მხოლოდ სამი ქულის აღება შესაძლებელია. შარშანდელთან შედარებით დიდი სხვაობა იმაშია, რომ მაშინ "რეალი" არ იყო საჩემპიონო გუნდი. დღეს კი ჩვენ ჩემპიონები ვართ".

beIN Sport -თან დაპირებული ინტერვიუც სწორედ ამ თემით იწყება:

- რა განსხვავებაა შარშანდელსა და დღევანდელ "რეალს" შორის, რომელმაც მიმდინარე სეზონი წარუმატებლად დაიწყო?

- უმთავრესი განსხვავება ისაა, რომ შარშან არ ვიყავით ჩემპიონები, წლეულს კი, ჩემპიონებად ვინოდებით. ჩემი აზრით, პრიმერა დივიზიონის მიმდინარე გათამაშება არცთუ წარმატებულად სწორედ ამის გამო დავიწყეთ. თუ შეგიძლია უმაღლეს დონეზე ითამაშო სუპერთასზე და ჩემპიონთა ლიგაზე, რატომ არ შეიძლება იგივეს ლა ლიგაზე? ასეთი სიტუაცია დიდხანს არ გაგრძელდება.

- მალე "ელ კლასიკო" გელით. რას ნიშნავს თქვენთვის ეს თამაში?

- "ბარსელონასთან" მუდამ დიდი სიხარულით ვთამაშობთ. ეს დაპირისპირება დიდ სიამოვნებას გვანიჭებს. დარწმუნებული ვარ, იგივეს განიცდის მონიშნულმა დეგეტც. სწორედ ამიტომ, "ელ კლასიკო" ყოველთვის უფრო მეტია, ვიდრე ლა ლიგას ნებისმიერი ჩვეულებრივი მატჩი. "რეალისა" და "ბარსელონას" დაპირისპირებებისას ფეხბურთის გულშემატკივარს საკუთარი თავი ავიწყდება და მთელი სულით და გულით მატჩზეა კონცენტრირებული. სტატისტიკამ ცხადყო, რომ ესპანეთის სუპერთასის თამაშებმა უფრო მეტი მაყურებელი მიიზიდა, ვიდრე ჩემპიონთა ლიგის ზოგიერთმა შეხვედრამ. როგორც არ უნდა იყოს, ჩვენი მიზანი ჩემპიონობაა. და მაინც "ელ კლასიკო" იმდენივე ქულას იძლევა, რამდენსაც სხვა დანარჩენი შეხვედრები. კვირას პრიმერა დივიზი-

ონის ერთი რიგითი მატჩი გაიმართება უშუალო მეტოქეებს შორის, რომლის შედეგადაც ერთი გუნდის მიერ სამი ქულის აღება, მეორის უქულოდ დარჩენის ტოლფასი იქნება.

- რა არის საჭირო ჩემპიონთა ლიგის მოსაგებად და რა გზა მოინიშნეთ?

- ყველაფერი უმნიშვნელო დეტალებზე დამოკიდებულია. ალბათ ბევრი დამეთანხმება, რომ გასულ სეზონში "ჩელსი" არ იყო მსოფლიოს საუკეთესო გუნდი, მაგრამ ჩემპიონთა ლიგა მაინც მას დარჩა. ამან ძალიან გამახარა, რადგან გარკვეულწილად მეც ყოფილი "ჩელსელი" ვარ. იმისათვის, რომ ჩემპიონთა თასის მოგებაზე იფიქრო, ჯერ მეოთხედფინალამდე, ან ნახევარფინალამდე უნდა გააღწიო. აი, ამის მერე კი იწყება ფიქრი საბოლოო წარმატებაზე. ჩვენ გვსურს თასის მოგება, მაგრამ წარმოუდგენლად რთულ ჯგუფში მოხვდით, სადაც

თამაშობენ ესპანეთის, ინგლისის, გერმანიისა და ჰოლანდიის ჩემპიონები.

- სამომავლო გეგმებზეც გვითხარით. დაბრუნდებით ინგლისში?

- ახლა იქ ვარ ბედნიერი სადაც ვიმყოფები. "რეალთან" კიდევ ოთხწლიანი ხელშეკრულება გავაფორმე - ეს მსოფლიო ფეხბურთის მწვერვალია. ინგლისსა და იტალიაში მუშაობის შემდეგ, ჩემს კარიერას სწორედ "რეალი" აკლდა. ახლა აქ შესაძლებლობების მაქსიმუმი უნდა ვაჩვენო. ყველამ იცის, რომ მე და ჩემი ოჯახი თავს ბედნიერად ვგრძობდით ლონდონში. ალბათ ოდესმე იქ კიდევ დავბრუნდები, რადგან მსურს მრავალი წლის განმავლობაში ვიყო მწვრთნელი. დიდი ხნით მადრიდში ვაჩერება ძალიან რთული იქნება.

- როგორ აკეთებთ არჩევანს ბენზემასა და იგუაინს შორის? რა აქვს ერთს ისეთი, რაც არ გააჩნია მეორეს?

- ბენზემა მოედანზე თავს ისე გრძნობს, როგორც თევზი წყალში. მე ის შემძლია დავაყენო როგორც 9, ასევე, 10 ნომრად. იგუაინი კი უფრო კლასიკური სტილის თავდამსხმელია, რომელიც მომენტის დასავიკირგვინებლად შექმნილია. ასე რომ, ორივე მჭირდება. მათ შორის სათამაშო დროის გადანაწილება იოლი საქმე არაა. აუცილებლად ვატარებ მომავალი მატჩის ანალიზს. ჩემი ფორვარდების შესაძლებლობებიდან გამომდინარე, ვითვალისწინებ მეტოქის ტაქტიკას, შემდეგ კი უშუალოდ თამაშისთვის ვარჩევთ საკუთარ სტილს.

- მსუ არ გიზიდავთ? დათანხმდებით საფრანგეთში მუშაობას?

- მეხუთე ქვეყნის ჩემპიონობა შესაძლოა, ჩემთვის მოტივაცია ყოფილიყო. მსუ მზარდი, ხარისხიანი პროექტია, სადაც ანჩელოტი და ლეონარდო მუშაობენ. არა მგონია, პარიზული კლუბი დღეს ჩემით იყოს დაინტერესებული.

"ლიგამუსი" ჩემპიონთა ლიგის პირველ მატჩს ჰოლანდიური გამართავს

ჰოლანდიის ქალაქ ნიუვერდალში გაემგზავრა წყალბურთში საქართველოს ჩემპიონი "ლიგამუსი-თბილისი", რომელიც ჩემპიონთა ლიგის ჯგუფური ეტაპის პირველ მატჩს, 6 ოქტომბერს, ადგილობრივ "შუურმანთან" ჩაატარებს.

"ლიგამუსი-თბილისმა", რომელსაც რევაზ ჩომახიძე წვრთნის, თბილისში გამართული საკვალიფიკაციო წრე წარმატებით გაიარა და ჩემპიონთა ლიგის A ჯგუფში მოხვდა, სადაც მისი მეტოქეები "ეგერი" (უნგრეთი), "სპარტაკ ვოლგოგრადი" (რუსეთი), "ვასპო-98 ჰანოვერი" (გერმანია), "გულიაგმენი" (საბერძნეთი) და "შუურმანი" (ჰოლანდია) იქნებიან.

ჩემპიონთა ლიგის ჯგუფური ეტაპზე გუნდები შინ და სტუმრად თითო-თითო შეხვედრას ჩაატარებენ, ჯგუფიდან კი პლეი-ოფში ოთხი საუკეთესო შედეგის მქონე გუნდი გავა. ისიც ვთქვათ, რომ საქართველოს ჩემპიონს ტურნირი უნგრული მატჩით უნდა გაეხსნა, თუმცა "ეგერთან" შესარკინებლად სავიზო პრობლემების გამო ვერ გაემგზავრა.

თბილისის "ლიგამუსის" შემადგენლობა: ზურაბ ჭუმბურიძე, ბექა კაპანაძე, კოტე გეგელაშვილი, სანდრო რუსიშვილი, ლევან ჩიკვინიძე, ტატო ნიკოლაიშვილი, ზუკა რურუა, მიხეილ ბალატურია, ალექსანდრე ურუშაძე, გალაქტიონ ლაითაძე, ბექა ქენქაძე, გიორგი ხვედელიანი და გიორგი ქართველიშვილი.

მთავარი მწვრთნელი: რევაზ ჩომახიძე.
სპორტის და ახალგაზრდობის საქმეთა სამინისტროს პრესსამსახური

ბოდბი, თქვენ ბელით სიკვდილი

ბიბა გურასაშვილი

უახლოეს დღეებში მსოფლიო სპორტმა შესაძლოა დიდი დანაკლისი განიცადოს. მსოფლიოს პირველი ჩოგანი როჯერ ფედერერი შესაძლოა 6 ოქტომბერს სიცოცხლეს გამოეცხადოს. ყოველ შემთხვევაში ამას წინასწარმეტყველებს ჩოგბურთის უცნობი ჩინელი მოყვარული.

"6 ოქტომბერს ფედერერს მოკვლას ვაპირებ, რათა გავანადგურო ჩოგბურთი", - ერთ-ერთი ჩინური საიტი გვამცნობს უცნობი წინასწარმეტყველი, რომელიც საზოგადოებას თავს აცნობს, როგორც Blue Cat Polytheistic Religion Founder 07. ხელმოწერის გვერდზეა განთავსებული ფოტო მომავლიდან, რომელზეც ნიღბიანი უცნობი ხელში ცუდით თავმოკვეთილ ფედერერს დაჰყურებს.

სავსებით შესაძლებელია, რომ მსგავსი წინასწარმეტყველება ასრულდეს კიდეც, რამდენადაც სვეიცარიელი ჩოგბურთელი ახლა სწორედ ჩინეთში იმყოფება - უშუალოდ "სიკვდილის ანგელოზის" სიახლოვეს. საქმე ისაა, რომ შანხაი "მასტერსის" სერიათა ტურნირს მასპინძლობს და მასში სხვათა შორის როჯერ ფედერერიც მონაწილეობს. ისიც უნდა ითქვას, რომ "მხიარულ როჯერს" ჩინურ კორტებზე თან ახლავს მისი ოჯახი - მეუღლე და ორი ქალიშვილი.

ქვეყანაზე შეშლილების მეტი რაა, ჰოდა, ჩინეთის ხელისუფლებამ ასეთი მუქარა სერიოზულად აღიქვა. არც არის გასაკვირი, ქვეყანაში, სადაც ლამის მილიარდნახევარი ადამიანი ცხოვრობს, პროცენტულად მატულობს ალბათობა გამოიძებნოს ვინმე ტვინნაღრბობი. მაგალითად, ადამიანები მომავლიდან, რომლებმაც ის ფოტო განათავსეს ინტერნეტში.



როჯერ ფედერერს მოკვლით ემუქრებიან.

ჰოდა, ბევრი იფიქრეს თუ ცოტა, აქაოდა სიფრთხილეს თავი არ სტკივავო, ჩინელებმა ფედერერს დაცვა გაუძლიერეს. სვეიცარიელთან ერთად დანარჩენი ჩოგბურთელებსაც დაუქირავეს დაცვის სამსახურის თანამშრომლები.

კონსპირაციის მიზნით სასტუმროდან კორტებამდე ჩოგბურთელს გააცილებს პოლიციელთა ესკორტი მთელი თავისი ბრწყინვალეობით - ციმციმებით.

ისე, ეს პირველი შემთხვევა არაა, როდესაც მავანი ცდილობს შეცვალოს მსოფლიო ჩოგბურთის ბედი. 1993 წლის ჰამბურგის ტურნირზე გერმანელი "კეთილმოსურნე" კორტ-

ზე შეიჭრა და დანით დაჭრა მონიკა სელეში. მოგვიანებით ფანატიკოსმა აღიარა: "შტეფი გრაფს სელეშის სახით წინაღობა ჩამოვაშორეო. არადა, მიყენებული ჭრილობის შემდეგ ამერიკელი ჩოგბურთელი ვერა და ვერ შევიდა ფორმაში.

იმ შემთხვევაში, თუ Blue Cat Polytheistic Religion Founder 07-ის წინასწარმეტყველება ასრულდება, ეს იქნება მორიგი უსიამოვნო ეპიზოდი სვეიცარიელის ცხოვრებაში. ისტორიას ჯერაც ახსოვს 25 წლის კომი მუდის ისტორია. დაახლოებით ექვსი წლის წინათ, სვეიცარიელი ჩოგბურთელის თავგადაკლულმა ამერიკელმა გულმემატიკვარმა გოგომ, რომე-

ლიც ფედერერის მატჩზე დასასწრებად მიიქაროდა, სარკინიგზო მაგისტრალზე გადარბენისას გოგორწყვილების (მატარებლის ბორბლები) ქვეშ მოექცა, რაც მას ორივე ფეხის დაკარგვად დაუჯდა.

ამ ისტორიასთან ღიმილის მომგვრელია უკვე თავად ფედერერის კონტაქტი გულმემატიკვართან - "როლან გაროს" ფინალში თამაშისას სპორტული ხულიგნობით ცნობილი ესპანელი ჯიმი ჯამპი (ნამდვილი სახელი და გვარია ჟაუმე მარქუე ი კოტი) კორტზე აღმით ხელში შევარდა და ფედერერისთვის მისი საფრთხე წითელი ქუდის დახურებას შეეცადა.


ბამოცხემლობა არტანუჯი

პირველად

ბრიგოლ რობაქიძის უცნობი შემოქმედებითი მემკვიდრეობა ქართულ ენაზე



უცნობი ბრიგოლ რობაქიძე



დაგვიკავშირდით:

თბილისი, ილია ჭავჭავაძის გამზ. N5
ტელ: (+995 32) 2 25 05 22
(+995 32) 2 91 22 83
(+995 32) 2 47 55 54
artanuji@artanuji.ge
www.artanuji.ge

www.artanuji.ge